




AN tÚDARÁS SLÁINTE
AGUS SÁBHÁILTEACHTA



**Tuarascáil
Bhliantúil
2019**



Saolta agus fiontair shláintiúla, shábháilte agus tháirgiúla



An Clár

Tuarascáil an Phríomhoifigigh Feidhmiúcháin agus Chathaoirleach an Bhoird do Damien English, an tAire Stáit do Ghnó, Fostaíocht agus Miondíol	2
Gluais	4
Achoimre agus Éachtaí	5
Ról an Údaráis Sláinte agus Sábháilteachta	8
Straitéis an Údaráis Sláinte agus Sábháilteachta, 2019–2021	9
Bord agus Feidhmeannas an Údaráis Sláinte agus Sábháilteachta	10
Tuarascáil faoin Acht um Nochtadh Cosanta, 2014	13
Tosaíocht Straitéiseach 1: Rialáil	14
Tosaíocht Straitéiseach 2: Cur Chun Cinn	21
Tosaíocht Straitéiseach 3: Creidiúnú	24
Tosaíocht Straitéiseach 4: Tionchar	26
Tosaíocht Straitéiseach 5: An Chaoi a nOibrímid	29
Buaicphointí na nEarnálacha Tosaíochta in 2019	31
Tacaíocht agus Comhairle do Ghnóthaí agus do Pháirtithe Leasmhara	33
Aguisín 1: Sleachta ó Ráitis Airgeadais Neamh-iniúchta an Údaráis Sláinte agus Sábháilteachta don Bhliain dar Chríoch an 31 Nollaig 2019	34
Aguisín 2: Cigireachtaí agus Ionchúisimh 2019	58
Aguisín 3: Ionadaíocht AE agus Idirnáisiúnta 2019	66
Aguisín 4: Reachtaíocht agus Treoir 2019	68
Aguisín 5: Tuarascáil Bhliantúil 2019 don Aire ar Oibriú na nAchtanna Ceimiceán 2008 agus 2010	69

Arna foilsiú ag an Údarás Sláinte agus Sábháilteachta, An Foirgneamh Cathrach, Sráid James Joyce, Baile Átha Cliath 1.

©Gach ceart ar cosaint.

Tuarascáil an Phríomhoifigigh Feidhmiúcháin agus Chathaoirleach an Bhoird do Damien English, an tAire Stáit do Ghnó, Fostaíocht agus Miondíol

A Aire,

Is mór againn ár gcéad tuarascáil bhliantúil faoi straitéis an Údaráis le haghaidh 2019 go 2021 a chur faoi do bhráid. Rinneamar ceiliúradh an bhliain seo ar 30 bliain de ghortú agus drochshláinte a bhaineann leis an obair a chosc, agus dhírigh clár oibre 2019 ar réimse leathan cuspóirí agus gníomhartha a chur i gcrích faoinár dtosaíochtaí straitéiseacha agus sainorduithe dlíthiúla.

Léirítear dul chun cinn soiléir ar ár dtiomantas chun ár spriocanna straitéiseacha a chomhlíonadh sa tuarascáil bhliantúil seo. Tá áthas ar leith orainn gur chuireamar an clár leathan sin i bhfeidhm i bhfianaise éilimh mhéadaithe lasmuigh den eagraíocht ar nós lánfhostaíochta, riachtanais ghnó atá ag athrú agus an baol go dtarlódh Breatimeacht crua.

Tá cigireacht agus forfheidhmiú ina ndlúthchuid d'fheidhm an Údaráis. Rinneamar 10,302 cigireacht agus imscrúdú faoinár sainorduithe sláinte agus sábháilteachta ceirde agus ceimiceán. Dhíríomar go mór ar na hearnálacha foirgníochta agus talmhaíochta arís toisc gur sainaitníodh an dá earnáil sin mar earnálacha ardtosaíochta faoin straitéis reatha. Anuas air sin, d'ainmníomar cúram sláinte agus sóisialta mar earnáil tosaíochta. Bhí cur chuige spriocdhírthe againn i leith gach earnála tosaíochta faoi thrí thosaíocht straitéiseacha – rialáil, cur chun cinn agus tionchar. Chomh maith leis sin, bhíomar tiomanta fós d'earnálacha ar nós iompair, mianach, cairéal, déantúsaíochta, mórdhíola agus miondíola. Mar gheall ar an líon ard daoine a fuair bás ar dhugaí, thugamar faoi go leor cigireachtaí sonracha ar fud na tíre, anuas ar iarracht níos mó a dhéanamh ar son rannpháirtíocht le páirtithe leasmhara agus ardú feasachta.

Thugamar iarrachtaí ar phéire dár ríomhuirlisí suntasacha le chéile ionas go bhfaigheadh gnóthaí tairiscint níos ailínithe. Dá bharr sin, bhí 66,296 úsáideoir ar BeSMART agus tugadh faoi 32,210 cúrsa trí hsalearning.ie. Anuas air sin, rinneadh 3,315 suirbhé ar fhostaithe aonair leis an uirlis measúnaithe ar bhaol struis de chuid Work Positive^{CL}. Leanamar ag cur raon bileoga treoracha agus faisnéise i dtoll a chéile agus scaipeamar iad tríd an suíomh gréasáin agus ag imeachtaí ar fud na tíre ar thopaicí ar nós láimhsiú sábháilte, sciortthaí, tuislí agus titimí, sábháilteacht feithicle a bhaineann leis an obair agus ag tiomáint don obair.

Thug cigireachtaí ar an ionad oibre aird faoi leith ar ról an ionadaí sábháilteachta. Cuireann ionadaithe sábháilteachta sláinte agus sábháilteacht mhaith san ionad oibre chun cinn agus bíonn tionchar acu air. Thacaigh sraith chuimsitheach ábhar ar BeSMART agus hsalearning.ie leo agus bhí ríméad orainn gur baineadh leas astu siúd os cionn 6,000 uair i rith na bliana. Léiríodh inár suirbhé go bhfuil réimsí a d'fhéadfaí a fheabhsú i gceist, ach thug ionadaithe sábháilteachta le fios go raibh siad an-sásta ar an iomlán mar sin féin.

D'oibríomar go dlúth le comhghleacaithe sa Roinn Gnó, Fiontar agus Nuálaíochta, agus thacaíomar le naoi bpíosa reachtaíochta a foilsíodh agus fuaireamar cead an Aire chun trí chód cleachtais a fhoilsiú. Bhí áthas ar leith orainn na Rialacháin Tumadóireachta nuashonraithe a fhoilsiú i dteannta na gcód cleachtas agus na treorach ginearálta lena mbaineann.

Tugadh tús áite don Bhreatimeacht arís in 2019 agus muid ag oibriú i dtreo gach spriocdháta chun a chinntiú go raibh cuideachtaí na hÉireann ar an eolas faoi na himpleachtaí a bhaineann le creidiúnú, ceimiceán agus táirgí tionsclaíocha. Agus an tuarascáil seo á foilsiú againn, tá an Ríocht Aontaithe tar éis an tAontas Eorpach a fhágáil agus táimid tar éis bogadh ar aghaidh go dtí an chéad chéim eile de thacaíocht agus ullmhúchán gnó.



An Dr Sharon McGuinness
An Príomhoifigeach Feidhmiúcháin



Tom Coughlan
An Cathaoirleach

Lean Bord Náisiúnta na hÉireann um Chreidiúnú ag cur seirbhísí creidiúnaithe ar fáil do raon fiontair phríobháideacha agus phoiblí. Bhí méadú ar líon na n-iarratas ar chreidiúnú a fuair an Bord de bharr imeacht na Ríochta Aontaithe as an Aontas Eorpach agus thug an Bord ionchur luachmhar do chliant ag imeachtaí Breatimeachta de chuid an Údaráis agus Rialtas na hÉireann. Anuas air sin, bhunaigh an Bord scéimeanna nua creidiúnaithe do réimsí ar nós éisteolaíochta agus anailís seicheamhaithe géanóim iomláin agus den chéad ghlúin eile, agus d'oibrigh sé leis an gCoimisiún um Chosaint Sonraí le haghaidh scéimeanna creidiúnaithe.

Cé gur thugamar suntas dár 30 bliain ag imirt tionchar ar shláinte agus sábháilteacht san ionad oibre in 2019, d'fhéachamar chun cinn freisin ar thodhchaí na n-oibrithe agus na hoibre. D'éist os cionn 200 duine a d'fhreastail ar chruinniú mullaigh náisiúnta le raon cainteoirí ó chomhlachtaí náisiúnta agus idirnáisiúnta, cainteoirí a léirigh a ndearcadh ar na dúshláin agus na deiseanna a bhaineann le dea-bhainistíocht sláinte agus sábháilteachta san ionad oibre. Bhí an cruinniú mullaigh sin ar cheann de na gnéithe dár gcuid oibre chun tacú le Future Jobs Ireland agus leanfaimid ag tabhairt aghaidh ar dhúshláin na bhfostóirí agus na bhfostaithe i rith thréimhse ár straitéise.

Léirigh an phobalbhreith bhliantúil ó RedC torthaí dearfacha arís, agus 94% díobh siúd a ceistíodh ag aontú go bhfuil obair an Údaráis tábhachtach chun timpistí agus básuithe san ionad oibre a laghdú, agus bhraith an líon céanna go raibh siad eolach ar na rioscaí sláinte agus sábháilteachta ina n-ionad oibre.

Ba mhaith linn aitheantas a thabhairt d'fhoireann an Údaráis agus buíochas a ghabháil leo. Is de bharr a dtiomantais agus a n-iarrachtaí siúd a cuireadh an clár oibre seo – agus go deimhin, gach clár oibre ó 1989 i leith – i gcrích. Tá an tÚdarás tiomanta do chinntiú go leanfaidh an fhoireann ar fad ag comhlíonadh na n-ionchas agus na n-éileamh atá orthu. Ach oiread le comhlachtaí poiblí eile, bhí dúshláin os ár gcomhair maidir le hearcaíocht agus a chinntiú go bhfuil na córais agus an tacaíocht cheart i bhfeidhm don bhfoireann ionas gur féidir leo oibriú go héifeachtach agus go héifeachtúil. Chuireamar tús le hobair ar mhórhionscadal claochlaithe TFC i rith 2019, a athróidh ó bhonn an t-ardán TFC a thacaíonn lenár gcórais tuairiscithe rialála agus a chuireann ar ár gcumas anailís a dhéanamh ar ár gcuid sonraí. Táimid ag súil go mbeidh an t-ardán i bhfeidhm don chéad straitéis eile.

Ar deireadh, ba mhaith linn buíochas a ghabháil le comhaltaí Bhord an Údaráis a bhfuil deireadh lena dtéarma. Is mór againn a n-obair agus a dtiomantas ar son an Údaráis agus dá fhís chun saolta agus fiontair shláintiúla, shábháilte agus tháirgiúla a bhaint amach.

An Dr Sharon McGuinness
An Príomhoifigeach Feidhmiúcháin

Tom Coughlan
An Cathaoirleach

ADR – Iompar Earraí Contúirteacha de Bhóthar

AE – An tAontas Eorpach

CARACAL – Údarás Inniúil le haghaidh REACH agus CLP

CLP – Aicmiú, Lipéadú agus Pacáistiú Substaintí agus Meascán

COMAH – Rialú Guaiseacha Mórthionóiscí

DFÉ – Déan Féin É (maisiú agus deisiú tí)

ECHA – An Ghníomhaireacht Eorpach Ceimiceán

ECOSOC – Comhairle Gheilleagrach agus Sóisialach na Náisiún Aontaithe

ESRI – An Institiúid Taighde Eacnamaíochta agus Sóisialta

EU-OSHA – An Ghníomhaireacht Eorpach um Shábháilteacht agus Sláinte ag an Obair

INAB – Bord Náisiúnta na hÉireann um Chreidiúnú

ISO – Eagraíocht Idirnáisiúnta na gCaighdeán

RAPEX – Córas Mear-rabhaidh an Aontais Eorpaigh (trína n-éascaítear malartú faisnéise idir Ballstáit AE maidir le táirgí a chruthaíonn riosca tromchúiseach don tsábháilteacht agus sláinte)

REACH – Clárú, Meastóireacht, Údarú agus Srian ar Cheimiceáin

REF – Fóram Forfheidhmithe REACH

RiME+ – Ardán Bainistithe agus Measúnaithe Riosca

SACURIMA – Cultúr Sábháilteachta agus Bainistíocht Riosca sa Talmhaíocht

SOLAS – An tÚdarás Breisoideachais agus Oiliúna

SUA – Aerárthach Beag Gan Foireann

TF – Teicneolaíocht Faisnéise

TFC – Teicneolaíocht Faisnéise agus Cumarsáide

THOR – An Líonra Taighde Sláinte agus Saothair

UNECE – Coimisiún Eacnamaíochta na Náisiún Aontaithe don Eoraip

Achoimre agus Éachtaí

Táscairí Forfheidhmithe


Tosaíocht Straitéiseach Rialáil


9,270
Cigireacht i gcrích

1,032
Imscrúdú i gcrích


68%
Céatadán na gcigireachtaí agus na n-imscrúduithe inar glacadh gníomh forfheidhmithe

337 
Líon na n-idirghabhálacha faireachas margaidh ar tháirgí ceimiceacha


82%

Céatadán na ráiteas sábháilteachta a raibh measúnú ar riosca sábháilteachta mar chuid díobh

21 
Líon na n-ionchúiseamh go hachomair agus ar díotáil

87 
Líon na n-idirghabhálac ha faireachas margaidh ar tháirgí tionsclaíocha

11 **Fhíneáil a gearradh (€938,000)**

Táscairí forbartha reachtaíochta

Tosaíocht Straitéiseach Tionchar

Os cionn
300

Freagra ar cheisteanna parlaiminte agus faisnéis tugtha don Roinn Gnó, Fiontar agus Nuálaíochta/Aire

4
Chomhairliúchán phoiblí a chuir an tÚdarás i gcrích

9
nlonchur do thograí reachtaíochta a seoladh chuig an Roinn Gnó, Fiontar agus Nuálaíochta

4
Chód Cleachtais a seoladh chuig an Roinn Gnó, Fiontar agus Nuálaíochta


Líon na ggruinnithe AE/Coistí Idirnáisiúnta/Meithleacha ar ar freastalaíodh

128 ag fónamh ar **44** coiste (Féach ar Aguisín 3)

Táscairí tacaíochta gnó

Tosaíocht Straitéiseach Cur Chun Cinn

17,500



Líon na dteagmhálacha a rinneadh leis an ionad custaiméirí (guthán/ríomhphost/litir/cuairt)

2,808,368

Líon na gcuartheanna ar shuíomh gréasáin HSA

15

Cód Cleachtais, Treoir agus Bileoga Faisnéise

32,210



Líon na gcúrsaí ar líne a rinneadh ar hsalearning.ie

27,913

Líon na scoláirí i mbun cláir oideachais Choose Safety

246

iarratas faisnéise REACH a próiseáladh

80

iarratas faisnéise CLP a próiseáladh

323

iarratas ar phleanáil úsáide talún a fuarthas/a próiseáladh

335

fógra faoi aispeist a próiseáladh



Feasacht phoiblí:



94%

a aontaíonn go bhfuil an tÚdarás tábhachtach chun timpistí agus básuithe a laghdú

86%

a aontaíonn go gcaitear go dáiríre le sláinte agus sábháilteachta na bhfostaithe i m'ionad oibre

89%

a aontaíonn go gcuireann bainistíocht éifeachtach sláinte agus sábháilteachta le rath gnó

94%

a aontaíonn go bhfuil oibrithe ar an eolas go maith/go réasúnta ar chúrsaí sláinte agus sábháilteachta

Táscairí INAB

Tosaíocht Straitéiseach Creidiúnú

29

Creidiúnú bronnta ag Bord INAB



451

Imeacht measúnaithe curtha i gcrích

19



nlarratas nua ar chreidiúnú a fuarthas



194

Creidiúnú a chothaigh Bainisteoir INAB

26

Cruinniú idirnáisiúnta ar ar fhreastail INAB



Táscairí rialachais chorparáidigh

Tosaíocht Straitéiseach An Chaoi a nOibrímid

201 

Líon na nIarratas um
Shaoráil Faisnéise a
próiseáladh

5 

Líon na nAchomharc
um Shaoráil Faisnéise
a próiseáladh

9 

Líon na nIarratas um Chosaint
Sonraí a próiseáladh

4 

Líon na nIarratas um
Rochtain ar Fhaisnéis
faoin gComhshaol a
próiseáladh

181 

Líon Foirne

97% 

Céatadán na sonrasc a
íocadh laistigh de 15 lá



Ról an Údaráis Sláinte agus Sábháilteachta


Áirítear na réimsí seo a leanas le sainordú an Údaráis Sláinte agus Sábháilteachta:

- Sábháilteacht, sláinte agus leas daoine ag an obair agus iad siúd a mbíonn tionchar ag gníomhaíochtaí oibre orthu a rialáil agus a chur chun cinn.
- Déantúsaíocht, úsáid, cur ar an margadh, trádáil agus iompar sábháilte ceimiceán a rialáil agus a chur chun cinn.
- Feidhmiú mar údarás faireachais maidir le reachtaíocht ábhartha an mhargaidh Eorpaigh aonair.
- Feidhmiú mar an comhlacht náisiúnta creidiúnaithe le haghaidh na hÉireann.



Straitéis an Údaráis Sláinte agus Sábháilteachta, 2019–2021

Leagtar amach cúig thosaíocht straitéiseacha i straitéis an Údaráis don tréimhse ó 2019 go 2021:



Bord agus Feidhmeannas an Údaráis Sláinte agus Sábháilteachta

Cinneann an Bord beartas oibríochta an Údaráis. Bíonn dháréag comhaltaí ar an mbord: cathaoirleach agus 11 chomhalta a cheapann an tAire. Ceapann an tAire comhaltaí a ainmníonn eagraíochtaí a dhéanann ionadaíocht ar na sainleasanna a bhaineann le rialáil sábháilteachta agus sláinte ceirde agus ceimiceán, fostaithe, fostóirí agus comhlachtaí eile ina measc. Ceaptar na comhaltaí ar feadh trí bliana go páirtaimseartha. D'fhéadfaí iarraidh ar chomhaltaí dhá théarma a dhéanamh.

Cheap an tAire do Thrádáil, Fostaíocht, Gnó, Margadh Aonair Digiteach an AE agus Cosaint Sonraí sa Roinn Gnó, Fiontar agus Nuálaíochta, Pat Breen, an Bord is deireanaí don Údarás idir mí na Nollag 2016 agus mí Mheán Fómhair 2017. Chuir cúigear de na comhaltaí Boird sin an dara téarma i gcrích i mí na Nollag 2019. Nuair a thagann folúntais chun cinn, ainmníonn comhlachtaí ionadaíochta na comhaltaí Boird nó earcaítear iad tríd an tSeirbhís um Cheapacháin Phoiblí.

Comhalta Boird	Post	Cruinnithe Boird ar ar freastalaíodh in 2019
An Cathaoirleach		
Tom Coughlan (<i>ceaptha le héifeacht ón 12/04/17</i>)	Iar-Phríomhfheidhmeannach, Comhairle Contae an Chláir (2009–2016)	6 as 8
Ainmnithe fostóra		
Michael Gillen, an Leas-Chathaoirleach	Feidhmeannach Sinsearach, BioPharmaChem Ireland	8 as 8
Andrew Bowers	Stiúrthóir Sármhaitheasa Oibríochta, Córas Bainistíochta Fiontar ag Baxter Healthcare Corporation	7 as 8
Dermot Carey	Ceannasaí Sábháilteachta agus Seirbhísí Daonchumhachta, Cónaidhm Thionscal na Foirgníochta	4 as 8
Ainmnithe fostaithe		
Pat Kenny	Rúnaí Foirne, An Post, Ceardchumann na nOibrithe Cumarsáide	7 as 8
Frank Vaughan	Stiúrthóir Oideachais, Comhdháil na gCeardchumann	8 as 8
Christine Rowland	Sainchomhairleoir Neamhspleách, oifigeach SIPTU ar scor	8 as 8
Ainmnithe an Aire		
Stephen Curran	Príomhoifigeach, an tAonad um Beartas Sábháilteachta, Sláinte agus Ceimiceán, an Roinn Gnó, Fiontar agus Nuálaíochta	7 as 8
Deirdre Cullivan	Sainchomhairleoir Acmhainní Daonna	8 as 8
James Phelan	Iar-Dhéan Talmhaíochta agus Ceann na Roinne Gnó Talmhaíochta, Fairsingithe agus Forbartha Tuaithe, an Coláiste Ollscoile, Baile Átha Cliath	7 as 8
John McCartney	Stiúrthóir Taighde ag Suirbhéirí Cairte, Savills Ireland	6 as 8
Carol Bolger	Iar-Cheannasaí Bainistíochta Gnó, Banc Uladh	6 as 8

Bainistíonn an Príomh-Oifigeach Feidhmiúcháin, i dteannta triúr príomhfheidhmeannach cúnta, cur i bhfeidhm na straitéise de réir fhreagrachtaí reachtúla an Údaráis agus beartas a leagann an Bord síos.

Faoi dheireadh 2019, d'fhostaigh an tÚdarás (Bord Náisiúnta na hÉireann um Chreidiúnú san áireamh) 181 comhalta foirne, cigirí, speisialtóirí gairmiúla agus teicniúla, riarthóirí agus foireann cléireachais ina measc.

Bord an Údaráis

An Cathaoirleach



Tom Coughlan

Ainmnithe fostóra



Michael Gillen



Andrew Bowers



Dermot Carey

Ainmnithe fostaithe



Pat Kenny



Frank Vaughan



Christine Rowland

Ainmnithe an Aire



Stephen Curran



Deirdre Cullivan



James Phelan



John McCartney



Carol Bolger

Feidhmeannas an Údaráis

An Príomhoifigeach Feidhmiúcháin



An Dr Sharon McGuinness

Na Leas-Phríomhfeidhmeannaigh



Mark Cullen
An Rannán Comhlíonta Oibríochta agus Coisc



Yvonne Mullooly
An Rannán Ceimiceán agus Coisc



Kevin De Barra
Seirbhísí Corparáideacha Ceaptha Meán Fómhair 2019



Robert Roe
An Rannán Tacaíochta Corparáidí, Cumarsáide agus Oideachais Ar scor Aibreán 2019

Bord Náisiúnta na hÉireann um Chreidiúnú

Is coiste de chuid an Údaráis Sláinte agus Sábháilteachta é Bord Náisiúnta na hÉireann um Chreidiúnú (INAB). Bíonn dháréag comhaltaí ar Bhord INAB, a dhéanann cinntí a bhaineann le creidiúnú a bhronnadh. Ceapann Bord an Údaráis na comhaltaí sin.

Comhalta Boird	Post	Cruinnithe Boird ar ar freastalaíodh in 2019
Ita Kinahan, <i>an Cathaoirleach</i>	Ceimiceoir Stáit, an tSaotharlann Stáit	7 as 7
Paul Hetherington, <i>an Leas-Chathaoirleach</i>	Stiúrthóir na Saotharlainne Náisiúnta Méadreolaíochta	6 as 7
Cecilie Laake	Ard-Stiúrthóir, Creidiúnú na hIorua	3 as 7 (ceaptha Bealtaine 2019)
Ray Ellard	An Stiúrthóir Cosanta Tomhaltóirí, Údarás Sábháilteachta Bia na hÉireann	6 as 7
Jim O'Toole	An Príomhfheidhmeannach, Bord Iascaigh Mhara	7 as 7
Peter Dennehy	Príomhfheidhmeannach ar Scor, an Chomhairle um Chúram Éigeandála Réamhospidéil	3 as 7
An Dr Caitríona Fisher	Stiúrthóir Cáilíochta, Gnóthaí Eolaíochta agus Cumarsáide, an tÚdarás Rialála Táirgí Sláinte	6 as 7
Grant Henderson	Bainisteoir Tíre, Seirbhís Tástála Cairr Applus	5 as 7
An Dr Micheál Lehane	Bainisteoir Clár, an Ghníomhaireacht um Chaomhnú Comhshaoil	5 as 7
John O'Loughlin	Bainisteoir Saotharlainne, Ospidéal an Rotunda	6 as 7
An Dr David Graham	An Príomhfheidhmeannach, Sláinte Ainmhithe Éireann	6 as 7
An Dr Adrienne Duff	Bainisteoir INAB; comhalta Boird ex-officio	7 as 7



Tuarascáil faoin Acht um Nochtadh Cosanta, 2014

Faoin Acht um Nochtadh Cosanta, 2014, éilítear ar gach comhlacht poiblí tuarascáil a fhoilsiú maidir leis an líon nochtaí cosanta a rinneadh don chomhlacht poiblí an bhliain roimhe sin, agus an gníomh a rinneadh mar fhreagra ar na nochtaí cosanta sin (más ann dó).

In 2019, fuair Príomhfheidhmeannach an Údaráis, i gcomhthéacs a róil mar dhuine forordaithe faoin Acht um Nochtadh Cosanta, 2014, ceithre nochtadh chosanta ó pháirtithe lasmuigh den Údarás agus a bhain le tríú páirtithe. Tarchuireadh na nochtaí ar fad chuig cigirí de chuid an Údaráis lena n-imscrúdú. Dúnadh péire de na nochtaí agus tá an dá cheann eile fós á n-imscrúdú. Ní bhfuarthas aon nochtadh go himmheánach.

1

Tosaíocht Straitéiseach 1

Rialáil

An bhéim ar chomhlíonadh a mhéadú trí chigireacht agus forfheidhmiú bunaithe ar riosca

SPRIOC STRAITÉISEACH

Leanúint ag spreagadh béim mhéadaithe ar shláinte agus sábháilteacht a bhaineann leis an obair.

DUL CHUN CINN AGUS MÉADRACHT LE HAGHAIDH 2019

- ▶ Sainaithníodh guaiseacha, rioscaí agus gníomhartha sonracha le haghaidh thrí bliana na straitéise le haghaidh gach earnála tosaíochta.
- ▶ San fhoirgníocht, díriodh na cigireachtaí ar rioscaí innealra agus feithicle, sláinte cheirde (láimhsiú sábháilte agus nochtheadh do cheimiceáin) agus oibriú ar airde. Thug 242 cigireacht aghaidh ar oibreáin cheimiceacha san ionad oibre, agus dhírigh 40% díobh ar íogróirí riospráide agus craicinn. Bhí 74% de na hionaid oibre a ndearnadh cigireacht orthu tar éis measúnú riosca leordhóthanach a dhéanamh ar oibreáin cheimiceacha.
- ▶ Sa talmhaíocht, díriodh na cigireachtaí ar tharracóirí agus innealra, láimhsiú beostoic agus oibriú ar airde.
- ▶ Sa chúram sláinte, díriodh na cigireachtaí ar sciorrthaí, tuislí agus titimí ar an leibhéal céanna, láimhsiú sábháilte agus foréigean agus ionsaitheacht a bhaineann leis an obair.
- ▶ Léirigh cigireachtaí ar thorann ceirde san earnáil siamsaíochta go raibh feacht theoranta ar thionchar ceoil aird aimplithe ar an éisteacht agus ar na réamhchúraimí a theastaíonn chun na rioscaí a bhainistiú. Nuair a tugadh aird ar thorann ceirde i rith na gcigireachtaí, bhí measúnuithe riosca torainn i bhfeidhm ag 73% (55). Bhí trealamh cosanta pearsanta oiriúnach ag a bhformhór chun torann a bhainistiú. Ach sainaithníodh treoir ar úsáid an trealamh cosanta pearsanta mar réimse le feabhsú i mbreis agus leath de na cigireachtaí sin.
- ▶ Chuaigh an tÚdarás i bpáirt le Cumann Ailse na hÉireann chun aird a tharraingt ar fhairsinge na n-ailsí ceirde agus feacht orthu a chur chun cinn.

Chuaigh an tÚdarás i bpáirt le Cumann Ailse na hÉireann chun aird a tharraingt ar fhairsinge na n-ailsí ceirde agus feacht orthu a chur chun cinn



SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
An clár cigireachta a mhéadú agus a leathnú, díriú ar rioscaí níos airde, cuideachtaí nach bhfuil ag comhlíonadh mar is ceart agus oibrithe leochaileacha.	▶ Cuireadh 7,891 cigireacht réamhghníomhach i gcrích ar shláinte agus sábháilteacht cheirde. ▶ Cuireadh 1,379 cigireacht réamhghníomhach i gcrích ar cheimiceáin. ▶ In 82% de na hionaid oibre a ndearnadh cigireacht orthu maidir le comhlíonadh sláinte agus sábháilteachta ceirde, bhí ráiteas sábháilteachta i bhfeidhm, agus léiríodh leibhéal maith comhlíonta ar an iomlán. ▶ Cuireadh 1,684 cigireacht i gcrích sa talmhaíocht. Dhírigh na feachtais cigireachta ar bheostoc (breith lao), innealra agus obair ar airde. ▶ Cuireadh 4,269 cigireacht i gcrích san fhoirgníocht. Reáchtáladh feachtais i ngléasra agus innealra, bainistíocht tráchta agus sláinte cheirde (lámhshiú sábháilte agus úsáid ceimiceán, giniúint dusta a rialú agus lámhshiú sábháilte). ▶ Cuireadh 182 cigireacht i gcrích i gcúram sláinte. Tugadh tús áite sna cigireachtaí do na trí spreagadh timpiste is mó: lámhshiú sábháilte agus lámhshiú othar, sciorthaí, tuislí agus titimí ar an leibhéal céanna agus foréigean agus ionsaitheacht a bhaineann leis an obair a chosc. Díríodh ar an gcóras bainistíochta sábháilteachta agus ar na guaiseacha ábhartha chun a chinntiú gur baineadh a oiread tairbhe agus arbh fhéidir as gach cigireacht agus go bhféadfaí feabhsúcháin leanúnacha a bhaint amach. ▶ Cuireadh feachtas spriocdhírthe ina raibh 398 cigireacht i gcrích; díríodh ar oibríochtaí iompair agus rioscaí feithicle i réimse earnálacha (iompar agus stóráil, miondíol agus trádstóráil, foirgníocht, déantúsaíocht, dramhaíl agus athchúrsáil). ▶ I gcairéil, breathnaíodh i rith 93 cigireacht ar scaradh feithiclí agus coisithe, leordhóthanacht na dteorainneacha agus soláthar comharthaí sábháilteachta. ▶ Cuireadh feachtas a bhain go sonrach leis na dugáí i gcrích mar gheall ar an líon ard daoine a fuair bás in 2018–2019. Dhírigh an 76 cigireacht ar bhainistiú sláinte agus sábháilteachta i rith gluaiseachtaí feithiclí ar na dugáí agus i limistéir na gcalafort. ▶ Agus muid ag díriú ar earnálacha ardriosca agus orthu siúd ar a bhfuil dualgais ach nach bhfuil chomh comhlíontach céanna, taifeadh 70% de na cigireachtaí mar ghnáthchigireachtaí, rud a chiallaíonn gur roghnaíodh iad ó bhunachar sonraí an Údaráis bunaithe ar phróifíl riosca na hearnála nó gur roghnaigh an cigire ceantair iad go randamach. Ba chigireachtaí leantacha 10% de na cigireachtaí chun comhlíonadh fógraí forfheidhmithe nó tuarascálacha cigireachta a sheiceáil. Taifeadh an 20% eile de na cigireachtaí mar chigireachtaí beartaithe mar gur réamhroghnaíodh iad mar chuid d'fheachtas cigireachta nó gur seirbheáladh fógra forfheidhmithe orthu idir 2016 agus 2018.

SPRIOC STRAITÉISEACH

Feidhmiú mar an príomhúdarás náisiúnta inniúil ar cheimiceáin agus faireachas margaidh.

DUL CHUN CINN AGUS MÉADRACHT LE HAGHAIDH 2019

- ▶ Comhlíonadh ról an údaráis inniúil agus an údaráis náisiúnta ainmnithe maidir le reachtaíocht ceimiceán agus faireachais margaidh an Aontais Eorpaigh i raon réimsí beartais agus cigireachtaí.
- ▶ I réimse COMAH (Rialú Guaiseacha Mórthionóiscí), rinneadh cigireacht ar 108 láithreán sonrach Shraith I agus II agus rinneadh 132 cigireacht eile ar láithreáin ina stóráiltear substaintí contúirteacha faoi bhun thairseach an rialaithe guaiseacha mórthionóiscí. Foilsíodh treoir ar mhodhnuithe suntasacha agus forbraíodh cáipéis bheartais ar an léirmhíniú ar stóráil shealadach idirmheánach agus seoladh amach le haghaidh comhairliúcháin poiblí í. Próiseáladh 323 iarratas ar phleanáil úsáide talún, agus reáchtáladh dhá cheardlann saineolaithe chun forbairt na dtreoracha nua ar phleanáil úsáide talún a phlé. Aontaíodh 12 thuarascáil sábháilteachta. Cuireadh an tuarascáil ar chur i bhfeidhm Threoir Seveso in 2014–2018 faoi bhráid Choimisiún an Aontais Eorpaigh.
- ▶ Éascaíodh dhá chigireacht de chuid na hEagraíochta um Thoirmeasc ar Airm Cheimiceacha ar ghníomhaíochtaí dlisteanacha faoin gCoinbhinsiún.
- ▶ D'fhreagair deasc náisiúnta chabhrach REACH (Clárú, Meastóireacht, Údarú agus Srian ar Cheimiceáin) agus CLP (Aicmiú, Lipéadú agus Pacáistiú Substaintí agus Meascán) 246 ceist REACH agus 80 ceist CLP.
- ▶ Cuireadh 196 cigireacht agus iniúchadh REACH agus CLP i gcrích, ina measc 17 n-iniúchadh a rinneadh mar chuid de rannpháirtíocht an Údaráis i gclár forfheidhmithe de chuid an Aontais Eorpaigh chun dálaí a rialaítear go dian ar idirmheánaigh a fhíorú (REF-7). Phléigh an tÚdarás le trí tharchur cláraithe forfheidhmithe ón nGníomhaireacht Eorpach Ceimiceán (ECHA). As an 196 cigireacht, cuireadh 23 cigireacht mionsonraithe i gcrích ar fhaisnéis sa slabhra soláthair le hallmhaireoirí, foirmleoirí agus dáileoirí.
- ▶ Mar Údarás Inniúil le haghaidh REACH agus CLP (CARACAL), ghlac an tÚdarás páirt i raon cruinnithe a bhaineann leis an Aontas Eorpach: CARACAL agus foghrúpaí lena mbaineann (5); Airteagal 133 (7); an Coiste um Measúnú Riosca (3); an Coiste um Anailís Shocheacnamaíoch (3); Coiste na mBallstát (5); HelpNet an Aontais Eorpaigh (1); an Fóram maidir le Forghníomhú (3); agus Sainghrúpa amháin de chuid ECHA maidir le Suaiteoirí Inchríneacha. Mar Údarás Inniúil, chuir an tÚdarás le tuairimí eolaíochta agus plé rialála ar raon leathan topaicí, ina measc tuairimí choistí eolaíochta ECHA, agus d'fheidhmigh sé mar rapóirtéir coiste le haghaidh údaruithe (5), srianta (1) agus thuairim an Bhallstáit ar an 9ú moladh ó ECHA maidir le substaintí a chur san áireamh in Iarscríbhinn XIV (1). Anuas ar thabhairt faoi obair leantach ar mheastóireacht substaintí na hÉireann in 2015, d'athbhreithnigh an tÚdarás dréacht-chinntí ar mheastóireachtaí substaintí (6) agus meastóireacht comhaid ECHA (11). Scagadh dhá ghrúpa substaintí le haghaidh gníomh rialála eile chomh maith.
- ▶ D'aontaigh Coiste um Measúnú Riosca ECHA le togra na hÉireann go n-aicmeofaí teitreafluairéitiléin (TFE) mar charcanaigin 1B agus cuireadh an dara togra ó Éirinn go n-aicmeofaí próipilfosfónáit démheithil (DMPP) mar shó-ghineach (Muta 1B) agus tocsain na mball síolraithe (Repr 2) i gcrích le cur faoi bhráid ECHA in 2020.

SPRIOC STRAITÉISEACH

Feidhmiú mar an príomhúdarás náisiúnta inniúil ar cheimiceáin agus faireachas margaidh (ar lean).

DUL CHUN CINN AGUS MÉADRACHT LE HAGHAIDH 2019

- ▶ Ag an gCoiste REACH, chuir an tÚdarás le cinntí rialála maidir le sainaithint substaintí nua a bhfuil imní mhór fúthu; cinntí seiceála comhlíonta faoi REACH; tograí srianta, lena n-áirítear tograí le haghaidh srianadh dé-isisianáití; ailíniú larscríbhinn II ar bhileoga sonraí sábháilteachta, larscríbhinn V ar dhíolúine ó dhualgais cláraithe agus larscríbhinn VIII ar fhaisnéis freagartha sláinte éigeandála; agus aicmiú substaintí agus aerasól faoi CLP.
- ▶ D'fhreastail an tÚdarás ar chruinniú bliantúil Mheitheal Rialachán na nGlantach de chuid an Aontais Eorpaigh agus chuir sé le plé ar thionscnaimh 'Rialáil níos Fearr', lena n-áirítear torthaí ón meastóireacht ar Rialachán na nGlantach agus seiceáil oiriúnachta ar an reachtaíocht ceimiceán (gan REACH san áireamh). I measc na nithe eile a pléadh bhí lipéadú glantach, lena n-áirítear tograí an tionscail ar lipéadú cliste; an srian molta ar mhicreaphlaistigh faoi REACH; lipéadú oibreán caomhnaithe; agus raon gráinníní cumhráin.
- ▶ Mar cheann de na húdaráis náisiúnta ainmnithe le haghaidh Rialachán Rotterdam, ghlac an tÚdarás páirt i gcruinniú amháin de chuid na n-údarás náisiúnta ainmnithe faoi Rialachán Rotterdam. Bhí méadú suntasach ar líon na gceisteanna a fuair agus a phróiseáil an tÚdarás – fuarthas 123 ceist a bhain le honnmhairiú/hallmhairiú agus 63 fógra onnmhairithe. Tugadh achoimre i dtuarascáil 2018 le haghaidh Airteagal 10 ar ghníomhaíocht trádála chomhiomlán in Éirinn ar onnmhairithe agus allmhairithe ceimiceán a liostaítear in larscríbhinn I agus cuireadh an tuarascáil faoi bhráid Choimisiún an Aontais Eorpaigh.
- ▶ Cuireadh 641 cigireacht i gcrích faoi na Rialacháin maidir le hlompar Earraí Contúirteacha de Bhóthar (ADR) agus Úsáid Brú-Threalamh Iniompair. Rinneadh ionchúiseamh amháin faoi Rialacháin ADR. Áiríodh 190 áitreabh agus 313 feithicil earraí contúirteacha sna cigireachtaí. Anuas air sin, rinneadh 132 seiceáil ar fheithicil earraí neamh-chontúirteacha. Síníodh trí chomhaontú iltaobhacha agus sé fhaomhadh, díolúine nó aitheantas mar Údarás Inniúil. D'fhaomh an tÚdarás athcheapadh beirt chreidiúnaithe (comhlachtaí cigireachta umar) le haghaidh cigireacht umar a úsáidtear chun earraí contúirteacha a iompar, de réir Rialachán ADR 10(10).
- ▶ Faoi gCoinbhinsiún maidir le hlompar Earraí Contúirteacha, d'fhreastail an tÚdarás ar dhá chruinniú de chuid an Ghrúpa Comhoibrithe Riaracháin um an Treoir maidir le hÚsáid Brú-Threalamh Iniompair, ar chruinniú amháin de chuid an Choiste um Iompar Earraí Contúirteacha, agus ar mheitheal amháin um sheiceálacha le taobh an bhóthair a mhonatóiriú.

Cuireadh 641 cigireacht i gcrích faoi na Rialacháin maidir le hIompar Earraí Contúirteacha de Bhóthar



SPRIOC STRAITÉISEACH

Ceanglais faireachais margaidh na dtáirgí a dhíoltar ar mhargadh na hÉireann a fhorfheidhmiú, na táirgí a dhíoltar le tomhaltóirí ina measc.

DUL CHUN CINN AGUS MÉADRACHT LE HAGHAIDH 2019

- ▶ Rinneadh measúnú ar 337 táirge ceimiceach ar mhargadh na hÉireann le feiceáil ar chomhlíon siad srianta larscríbhinn XVII REACH, ceanglais CLP agus REACH (bileog sonraí sábháilteachta agus lipéid) agus Rialachán na nGlantach. Dhírigh na seiceálacha sin ar mheascáin; go háirithe, táirgí glantaigh, péinte agus táirgí a bhain le foirgníocht. I measc na dtáirgí a measúnaíodh bhí carcanaiginí (20), só-ghineacha (17), tocsainí na mball síolraithe (49 agus íogróirí riospráide nó craicinn (108). Bhí substaintí a liostaítear in larscríbhinn XIV de Rialachán REACH i sé tháirge agus bhí substaintí atá faoi réir srianta faoi larscríbhinn XVII de REACH i 14 tháirge. Bhain na príomhfhadhbanna le bileoga sonraí sábháilteachta agus lipéid agus caighdeán na faisnéise a bhí iontu chun úsáid agus soláthar sábháilte a chinntiú.
- ▶ Rinneadh measúnú ar 51 foláireamh RAPEX de chuid an Aontais Eorpaigh (29% de na foláirimh RAPEX ar fad a postáladh) a bhain le ceimiceáin shrianta chun a chinneadh an raibh siad ar fáil ar mhargadh na hÉireann. Thagair a bhformhór do chróimiam VI in earraí leathair, caidmiam, luaidhe agus nicil i seodra agus teicstílí. I ndiaidh seiceálacha imscrúdaithe, ní raibh 47 de na táirgí a fógraíodh ar fáil ar mhargadh na hÉireann. I gcás na bhfoláireamh eile, chuathas i dteagmháil leis na soláthraithe agus baineadh na hearraí leathair a raibh cróimiam VI iontu den margadh.
- ▶ Tugadh faoi 26 measúnú ar chomhlíonadh cheanglais CLP ar cheithre tháirge cheimiceacha a bhí ar díol ar líne. Bhí siopaí DFÉ agus foirgníochta agus siopaí cothabhála mótarfheithiclí i measc na suíomhanna gréasáin a seiceáladh. Ba iad na príomhchineálacha táirgí ar breathnaíodh orthu táirgí glantacháin, glantaigh, táirgí DFÉ agus foirgníochta agus táirgí deisithe agus cothabhála mótarfheithiclí. Bhí ráta neamhchomhlíontach foriomlán 77% i gceist, agus níor chomhlíon ach sé tháirge Airteagal 48(2) de CLP.
- ▶ Rinneadh cigireachtaí faireachais margaidh ar na cineálacha innealra agus trealamh seo a leanas: geataí cumhachta (24), tochtóirí (29), ardaitheoirí (23) agus ardaitheoirí feithiclí (11).
- ▶ Rinneadh imscrúdú faireachais margaidh ar naoi gcoimeádán seachadta de shábha slabhracha agus trealamh gairdín a tháinig isteach go hÉirinn trí Chalafoirt Bhaile Átha Cliath. Bhí thart ar 400 earra i ngach seachadadh. Diúltaíodh cead isteach do sheachadadh amháin ina raibh 500 sábh slabhrach mar gheall ar easpa deimhnithe agus seoladh ar ais chuig an gcalafoirt as ar tháinig sé é. Teastaigh doiciméadú agus lipéadú breise ar threalamh i roinnt de na seachadtaí, agus tugadh aghaidh ar na fadhbanna ar fad sular eisíodh na táirgí don mhargadh.
- ▶ Rinneadh athbhreithniú ar 51 foláireamh RAPEX ar tháirgí tionsclaíocha agus tugadh faoi ghníomh leantach má sainithníodh allmhaireoirí nó dáileoirí. Tarraingíodh aird ar fholáireamh RAPEX amháin a bhain le hardaitheoirí neamhsábháilte trí fholáireamh sábháilteachta a phostáil ar shuíomh gréasáin an Údaráis.

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Gníomh forfheidhmithe comhréireach a thógáil chun comhlíonadh a spreagadh agus a chinntiú.	▶ Cuireadh 1,032 imscrúdú i gcrích i bhfianaise timpistí agus gearáin a tuairiscíodh don Údarás. ▶ As na himscrúduithe sin, rinneadh 53 i dtalmhaíocht, 398 i bhfoirgníocht agus 38 i gcúram sláinte. ▶ Bhí 21 ionchúiseamh i gceist, 10 gcinn ar díotáil agus 11 cheann go hachomair, ar eascair fineálacha €938,000 astu. Gearradh an chéad téarma príosúnachta de bharr sárú sláinte agus sábháilteachta ceirde, cé go bhfuil achomharc ar bun ina leith faoi láthair. Tá níos mó faisnéise in Aguisín 2. ▶ D'eascair gníomhartha forfheidhmithe as 68% de na cigireachtaí agus na himscrúduithe, ó chomhairle i scríbhinn go fógraí toirmisc. Áiríodh i measc na ngníomhartha 992 fógra feabhsúcháin nó sárarithe chomh maith le híocaíocht ina ionad agus fógraí toirmisc.
SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Tograí rialála agus beartais a chur faoi bhráid an Aire.	▶ Tugadh leibhéil shuntasacha comhairle rialála agus teicniúla ar athbhreithniú an Achta um Shubstaintí Contúirteacha chomh maith leis na rialacháin lena mbaineann ar bhulcshiopaí agus siopaí miondíola agus príobháideacha peitriilam. Shínigh an tAire sraith nua de Rialacháin maidir le Substaintí Contúirteacha, 2019 ina dlí le haghaidh siopaí miondíola leachtanna agus breoslaí inadhaite chomh maith le siopaí soláthair tráchtála agus seachadta leachtanna agus breoslaí inadhaite agus tiocfaidh siad i bhfeidhm i mí Aibreáin 2020. ▶ Tugadh tacaíocht theicniúil don Aire agus don Roinn Gnó, Fiontar agus Nuálaíochta nuair a bhí bailchríoch á cur ar na Rialacháin maidir leis an Acht Ceimiceán, 2008 (Rialachán Rotterdam) (I.R. Uimh. 213 de 2019) i mí na Bealtaine 2019. Theastaigh na rialacháin chun éifeacht iomlán a thabhairt do Rialachán Rotterdam de chuid an Aontais Eorpaigh, 649/2012. ▶ Foilsíodh Cód Cleachtais le haghaidh Tumadóireacht Intíre agus Chladaigh agus Cód Cleachtais le haghaidh Tumadóireacht Eischósta de bharr theacht i bhfeidhm na Rialacháin nua maidir le Tumadóireacht (I.R. Uimh. 180 de 2019) an 1 Bealtaine 2019. Foilsíodh ordú aireachta a thugann an fheidhm don Údarás comhaontuithe aitheantais a dhéanamh le tíortha eile agus úsáideadh an t-ordú sin chun comhaontuithe a shocrú faoin tumadóireacht leis an bhFeidhmeannas Sláinte agus Sábháilteachta i dTuaisceart Éireann agus sa Ríocht Aontaithe (I.R. Uimh. 181 de 2019: an tOrdú fán Acht um Shábháilteacht, Sláinte agus Leas ag an Obair, 2005 [Comhaontú maidir le Nithe a Aithint], 2019). ▶ Forbraíodh treoir ar thromaíocht ag an obair a chosc agus a réiteach i gcomhar leis an gCoimisiún um Chaidreamh san Áit Oibre agus foilsíodh í do chomhairliúchán poiblí agus tá súil í a chur faoi bhráid an Aire in 2020. ▶ Ullmhaíodh dréacht-rialacháin maidir le sábháilteacht feithiclí ilraoin a raibh measúnú tionchair rialála ag gabháil leo agus rinneadh comhairliúchán poiblí orthu de bhun iarratais ón Aire chun aghaidh a thabhairt ar an leibhéal ard timpistí agus gortuithe ar chuardrothair, go háirithe in earnáil na talmhaíochta.

SPRIOC STRAITÉISEACH

Tograí rialála agus beartais a chur faoi bhráid an Aire (ar lean).

DUL CHUN CINN AGUS MÉADRACHT LE HAGHAIDH 2019

- ▶ Tugadh ionchur teicniúil do Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair) (Leasú), 2019 (I.R. Uimh. 277 de 2019) a thug éifeacht d'athruithe i gcomhaontú ADR amhail an 1 Eanáir 2019.
- ▶ Foilsíodh comhdhlúthú neamhfhoirmiúil de Rialacháin ADR chun cabhrú leis an tionscal agus le páirtithe leasmhara.
- ▶ Foilsíodh na Rialacháin um Shábháilteacht, Sláinte agus Leas ag an Obair (Carcanaiginí) (Leasú), 2019 (I.R. Uimh. 592 de 2019).
- ▶ Nuashonraíodh an Cód Cleachtais le haghaidh Oibreáin Cheimiceacha agus Carcanaiginí de réir thrasúí na Treorach maidir le Carcanaiginí agus Tocsainí na mBall Síolraithe agus an 5ú Treoir maidir le Teorainnluach Táscach Nochta Ceirde. D'fhaomh an Bord an dréacht-Chód Cleachtais agus seoladh chuig an Aire é don fhaomhadh deiridh agus tá sé le foilsiú go luath in 2020.
- ▶ Cuireadh an Cód Cleachtais maidir le Dainséar ó Línte Lasnairde a Sheachaint i gcrích agus foilsíodh é.
- ▶ Thacaigh an tÚdarás le conclúidí na Rialachán um Shábháilteacht, Sláinte agus Leas ag an Obair (Cairéil) (Leasú), 2019 (I.R. Uimh. 179 de 2019) chun na Rialacháin um Shábháilteacht, Sláinte agus Leas ag an Obair (Cairéil) 2008 agus 2013 a leasú tuilleadh chun SOLAS a éascú le cártaí cláraithe comhionanna le scéimeanna deimhnithe scileanna cairéal ó stáit nach Ballstáit iad a aithint mar chinn a chomhlíonann forálacha na Rialachán sin.
- ▶ Mar chuid dá thacaíocht don Aire agus don Roinn Gnó, Fiontar agus Nuálaíochta, d'fhreagair an Údarás os cionn 300 ceist, seisiún eolais agus ceist pharlaiminteach. Áiríodh leis na topaicí glacadh molta Choinbhinsiún Uimh. 190 agus Thogra Uimh. 206 ar Dheireadh a chur le Foréigean agus Ciapadh i Saol na hOibre ón Eagraíocht Idirnáisiúnta Saothair.
- ▶ Tá liosta iomlán den reachtaíocht, na cóid cleachtais agus an treoir a foilsíodh in Aguisín 4.

Foilsíodh an Cód Cleachtais maidir le Dainséar ó Línte Lasnairde a Sheachaint



2 Tosaíocht Straitéiseach 2

Cur Chun Cinn

Tacaíocht, oideachas agus níos mó feasachta a chur ar fáil chun timpistí, gortuithe agus drochshláinte a chosc

SPRIOC STRAITÉISEACH

Leanúint ag méadú faisnéise agus tuisceana ar an gcaoi le sláinte agus folláine a bhaineann leis an obair a bhainistiú.

DUL CHUN CINN AGUS MÉADRACHT LE HAGHAIDH 2019

- ▶ Léiríodh i suirbhé ar ionadaithe sábháilteachta, a cuireadh i gcrích mar chuid de chigireachtaí ar an ionad oibre, go bhfuil réimsí a d'fhéadfaí a fhorbairt ann ach gur tuairiscíodh leibhéal ard sástachta ar an iomlán mar sin féin. Baineadh leas as an tsraith ábhar a chuirtear ar fáil ar BeSMART d'ionadaithe sábháilteachta 5,503 uair agus cuireadh 1,256 cúrsa d'ionadaithe sábháilteachta i gcrích ar hsalearning.ie.
- ▶ Foilsíodh tuarascáil taighde i gcomhar leis an Institiúid Taighde Eacnamaíochta agus Sóisialta (ESRI) dar teideal *The Ageing Workforce in Ireland* agus seoladh é. Chuir an taighde sin bonn eolais faoi ionchur an Údaráis i gcuspóirí Future Jobs Ireland le haghaidh 2020 ar dhul in aois agus míchumas.
- ▶ Tharraing cheardlann ar sciorrthaí san ionad oibre a chosc aird ar an gcaoi a bhféadfadh cuideachtaí tabhairt faoi mhapáil measúnaithe riosca agus rialuithe cuí a chinneadh.
- ▶ Léirigh ceithre cheardlann náisiúnta eirgeanamaíochta d'fhostóirí an chaoi le húsáid a bhaint as uirlisí measúnaithe riosca praiticiúla le haghaidh láimhsiú sábháilte.
- ▶ Léirigh an phobalbhreith bhliantúil ó RedC ardleibhéil feasachta ar shláinte agus sábháilteachta in ionaid oibre na hÉireann arís. As an daonra Éireannach oibre a ndearnadh suirbhé orthu:
 - ▶ measann 94% go bhfuil siad an-eolach ar rioscaí sláinte agus sábháilteachta ina n-ionad oibre;
 - ▶ aontaíonn 94% go bhfuil obair an Údaráis tábhachtach chun timpistí agus básuithe san ionad oibre a laghdú;
 - ▶ creideann 89% go bhfuil bainistíocht éifeachtach sláinte agus sábháilteachta san ionad oibre tábhachtach don rath gnó; agus
 - ▶ aontaíonn 86% go gcaitear go dáiríre le sláinte agus sábháilteachta na bhfostaithe ina n-ionad oibre.

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Feasacht a mhéadú ar uirlisí agus seirbhísí ar líne an Údaráis, BeSMART.ie, hsalearning.ie agus Work Positive^{cl} ina measc, agus a n-úsáid a spreagadh.	▶ Cuireadh 32,210 cúrsa ar líne i gcrích, méadú 38.5% ar an úsáid a baineadh as hsalearning.ie in 2018. Rinneadh 106,469 cúrsa san iomlán faoi dheireadh na bliana. ▶ Bhí 66,296 úsáideoir carnach ag BeSMART, agus b'úsáideoirí nua in 2019 9,967 díobh. D'ullmhaigh úsáideoirí 11,018 ráiteas sábháilteachta leis an uirlis. ▶ Bhí 35 úsáideoir nua ag Work Positive^{cl} ó eagraíochtaí sna hearnálacha príobháideacha agus poiblí, a chuimsigh 3,315 suirbhé ar fhostaithe aonair. ▶ Seoladh cúrsa ríomhfhoghlama do cheardaithe ar aispeist chun feasacht ar ghuaiseacha aispeiste i bhfoirgnimh níos sine a mhéadú. ▶ Cuireadh forbairt tairsí gnó i gcrích agus tá sé i gceist é a sheoladh go luath in 2020. ▶ Reáchtáladh feachtais feasachta ar na meáin shóisialta i gcomhar le feachtais cigireachta agus tharraing siad aird ar an raon comhairle agus tacaíochta atá ar fáil. ▶ Bhí 14,708 lucht leanúna ag an Údarás ar Twitter agus 44,184 ar Facebook.

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Faisnéis agus treoir a thabhairt chun a chur ar chumas daoine ar a bhfuil dualgais tuiscint a fháil ar na tairbhí a bhaineann le sábháilteacht, sláinte agus ceimiceáin a bhainistiú go réamhghníomhach ar na caighdeáin is airde.	▶ Cuireadh athbhreithniú mór ar an ábhar treorach atá ar fáil ar shuíomh gréasáin an Údaráis i gcrích. Tugadh tús áite don ábhar treorach reatha a nuashonrú agus é a chur chun cinn ar na meáin shóisialta agus ar mheáin eile. ▶ Tugtar liosta in Aguisín 4 de na cóid cleachtais, treoir agus bileoga faisnéise nua. Cuireadh an treoir nua chun cinn i measc grúpaí ábhartha páirtithe leasmhara trí na meáin shóisialta, imeachtaí agus ceardlanna. ▶ Rinneadh 17,500 teagmháil tríd an Aonad Teagmhála leis an Ionad Oibre san Údarás (wcu@hsa.ie); méadú 10% ab ea sin ar 2018.

Cuireadh 32,210 cúrsa ar líne i gcrích in 2019



SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Acmhainní oideachais a sholáthar don chóras oideachais foirmiúil agus don ionad oibre.	▶ Ghlac 27,913 scoláire meánscoile agus breisoideachais páirt sa chár Choose Safety in 2018/19. ▶ Cuireadh tús le hobair ar athfhorbairt an chúrsa ar líne 'An Introduction to Managing Health and Safety in Schools'. ▶ Cuireadh an cúrsa 'Workplace Safety and Health Induction' i gcrích agus seolfar in 2020 é. ▶ Forbraíodh cúrsa nua dar teideal 'Safer Steps and Stairs' le haghaidh hsalearning.ie agus críochnaíodh athfhorbairt na gcúrsaí iompair san ionad oibre ar an ardán. ▶ Reáchtáladh sraith seimineár náisiúnta do scoileanna ar na <i>Treoirlínte maidir le Bainistiú Sábháilteachta agus Sláinte in Iar-Bhunscoileanna</i> a nuashonraíodh. ▶ Reáchtáladh sé imeacht Keep Safe ar fud na tíre le 630 dalta bunscoile, i gcomhar le raon comhlachtaí poiblí eile, ina measc Líonraí BSL, Bus Éireann, Cónaidhm Thionscal na Foirgníochta, Teagasc, Cosaint Shibhialta, Seirbhísí Dóiteáin agus Tarrthála (údaráis áitiúla), an Garda Síochána, Garda Cóta na hÉireann, Sábháilteacht Uisce na hÉireann, Sábháilteacht ar Bhóithre (údaráis áitiúla), Tarrtháil Sléibhe, Scoileanna Glasa an Taisce agus Croí. ▶ Cuireadh tús le hidirghabháil leis na boird oideachais agus oiliúna agus le Bord Oideachais agus Oiliúna Éireann chun acmhainn a fhorbairt d'fhostóirí atá ag glacadh le printísigh nó oiliúnaithe.
Eolas agus feasacht ar na dainséir a bhaineann le táirgí ábhartha agus ceimiceáin ghuaiseacha a mhéadú.	▶ Sheol an tAire Breen torthaí an tsuirbhé ar úsáid ceimiceán i mí Dheireadh Fómhair 2019. Breithníodh ceisteanna sa tuarascáil a bhaineann le soláthar agus úsáid ceimiceán i ndiaidh don Ríocht Aontaithe an tAontas Eorpach a fhágáil, agus tharraing an seoladh aird ar na himpleachtaí do chuideachtaí Éireannacha a dteastódh uathu leanúint ag fáil ceimiceán ón Ríocht Aontaithe. I ndiaidh an tsuirbhé a chríochnú, nuashonraíodh an fhaisnéis ar leathanaigh ghréasáin an Údaráis faoi cheimiceáin agus an Breatimeacht. Díríodh ar fheachtais feasachta shonracha ar na himpleachtaí faoi Rialachán Rotterdam ar na cuideachtaí is dóchúla a mbeidh tionchar orthu. ▶ Mar chuid d'imeachtaí Breatimeachta an Údaráis, tarraingíodh aird ar na ceanglais faireachais margaidh do tháirgí tionsclaíocha agus ceimiceáin agus cuireadh i láthair iad. Bhí próifíl ard an Údaráis ag gach imeacht Breatimeachta de chuid na Roinne Gnó, Fiontar agus Nuálaíochta freisin.

Ghlac 27,913 scoláire meánscoile agus breisoideachais páirt sa chár Choose Safety in 2018/19

3 Tosaíocht Straitéiseach 3

Creidiúnú

An tseirbhís náisiúnta creidiúnaithe a fhás chun fiontair agus seirbhísí poiblí a chumasú agus chun tacú leo

SPRIOC STRAITÉISEACH

Straitéis náisiúnta creidiúnaithe a fhorbairt agus a chur i bhfeidhm.

DUL CHUN CINN AGUS MÉADRACHT LE HAGHAIDH 2019

- ▶ Thionscain Bord Náisiúnta na hÉireann um Chreidiúnú (INAB) athbhreithniú rialachais. Cuireadh tuarascáil i dtoll a chéile ina bhfuil moltaí atá le cur i bhfeidhm chun bonn láidir rialachais a chruthú chun an straitéis náisiúnta creidiúnaithe a chur i gcrích agus tá sé le forbairt in 2020.
- ▶ Lean INAB lena hidirghabháil le príomhpháirtithe leasmhara ag a bhfuil spéis sa chreidiúnú agus a bhíonn ag brath air. Reáchtáladh cruinnithe le hÚdarás Sábháilteachta Bia na hÉireann, an tÚdarás Slándála Príobháidí, an tÚdarás Rialála Táirgí Sláinte agus Feidhmeannacht na Seirbhíse Sláinte.
- ▶ Tháinig an Coiste Comhairleach um Leigheas agus Eolaíocht a dhéanann ionadaíocht ar shainleasanna san earnáil cúraim sláinte le chéile faoi dhó.

Luach an chreidiúnaithe neamhspleách a chur chun cinn chun muinín as cáilíocht agus caighdeán na seirbhísí poiblí agus príobháideacha a thógáil.

- ▶ Ullmhaíodh feachtais bolscaireachta agus seoladh iad. I measc na dtopaicí bhí luach an chreidiúnaithe neamhspleách agus cur chun cinn aitheantas idirnáisiúnta do chreidiúnú agus teastais INAB a eisíonn cliaint INAB.
- ▶ Reáchtáladh Lá Domhanda an Chreidiúnaithe ar an 9 Meitheamh 2019 agus ba é a théama 'Accreditation: Adding Value to Supply Chains'. Cuireadh chun cinn é ar shuíomh gréasáin INAB agus ar na meáin shóisialta.
- ▶ Eisíodh dhá nuachtlitir chun faisnéis a thabhairt i dtaobh forbairtí in INAB agus creidiúnú.
- ▶ Ullmhaíodh ábhar bolscaireachta a sheol réimse nua creidiúnaithe i soláthar seirbhísí éisteolaíochta.

Bhí **237** creidiúnú gníomhach INAB faoi dheireadh 2019 agus bronnadh 29 creidiúnú nua

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Cliant a oibríonn i réimsí atá ag athrú de shíor, ar nós cibearshlánda, cosaint sonraí agus róbataice, a ullmhú agus a chreidiúnú.	▶ Forbraíodh scéim nua do chreidiúnú seirbhísí éisteolaíochta agus d'fhaomh Bord INAB é. Tá INAB réidh le glacadh le hiarratais ar an scéim sin. ▶ Leanadh le hobair leanúnach leis an gCoimisiún um Chosaint Sonraí ar scéimeanna creidiúnaithe, agus sainaitníodh roinnt iarratasóirí féideartha. ▶ Tugadh isteach anailís seicheamhaithe géanóim iomláin agus den chéad ghlúin eile, agus fuarthas iarratais ón mbunachar cliant reatha.
Monatóireacht a dhéanamh ar éileamh méadaithe de bharr tharraingt siar na Ríochta Aontaithe ón Aontas Eorpach agus athruithe rialála eile, teacht roimhe agus freagairt dó.	▶ Fuair INAB 19 n-iarratas nua ar chreidiúnú i raon leathan réimsí caighdeán agus teicniúla. ▶ Thionóil Bord INAB seacht gcruinniú agus bhronn 29 creidiúnú nua, ar bhain 20 díobh le hiarratais a d'eascair as an mBreatimeacht. ▶ San iomlán, rinne INAB 451 imeacht measúnaithe ar chliant iarratasóra agus chreidiúnaithe. ▶ Chun freagairt don éileamh méadaithe ar chreidiúnú agus chun tacú le soláthar na seirbhíse, cháiligh INAB 22 measúnóir nua agus d'fhostaigh ar conradh iad. ▶ Cuireadh luach chreidiúnú INAB chun tacú le gnóthaí na hÉireann agus iad ag ullmhú le haghaidh imeacht na Ríochta Aontaithe ón Aontas Eorpach chun cinn i rith imeachtaí Breatimeachta de chuid Rialtas na hÉireann agus an Údaráis. ▶ Thacaigh INAB le feidhm an údaráis náisiúnta a thugann fógra agus chabhraigh le comhordú líonra údarás na hÉireann a thugann fógra, an Roinn Gnó, Fiontar agus Nuálaíochta ina measc.
Aitheantas agus clú INAB agus sheirbhísí creidiúnaithe na hÉireann a chothú.	▶ Rinneadh ionadaíocht ar INAB ag cruinnithe de chuid Chomhar na hEorpa um Chreidiúnú, an Fhóraithe Idirnáisiúnta Creidiúnúcháin, an Chomhair Idirnáisiúnta um Chreidiúnú Saotharlainne, agus an Choimisiún Eorpach. Bhain an 26 cruinniú idirnáisiúnta ar ar freastalaíodh le sainordú iomlán INAB. ▶ Ghlac comhalta foirne amháin ó INAB páirt mar dhuine den fhoireann le haghaidh phiarmheasúnú Chomhar na hEorpa um Chreidiúnú ar chomhlacht creidiúnaithe Eorpach. ▶ Cuireadh iarratas ar an stádas sínitheora iltaobhach a leathnú le haghaidh ISO 17024 (deimhniú daoine) faoi bhráid Chomhar na hEorpa um Chreidiúnú dá mheastóireacht in 2020. ▶ Lean INAB ar aghaidh lena fheidhmeanna reachtúla mar an tÚdarás Monatóireachta ar Dea-chleachtas Saotharlainne, agus dhá shaoráid sa chlár. ▶ D'fhill feidhmeanna INAB maidir le freagracht as Córas um Bainistíocht agus Iniúchadh Comhshaoil ar an Roinn Cumarsáide, Gníomhaithe ar son na hAeráide agus Comhshaoil.

4

Tosaíocht Straitéiseach 4 Tionchar

Tabhairt faoi chomhpháirtíochtaí agus comhoibriú chun tacú le saolta agus fiontair shláintiúla, shábháilte agus tháirgiúla

SPRIOC STRAITÉISEACH

Comhoibriú agus gníomhú go réamhghníomhach le páirtithe leasmhara agus le comhlachtaí rialála chun aidhmeanna comhpháirteacha a bhaint amach.

DUL CHUN CINN AGUS MÉADRACHT LE HAGHAIDH 2019

- ▶ Athbhreithníodh agus athnuadh comhaontuithe reatha le gníomhaireachtaí ar nós an Choimisiúin um Rialáil Fónais agus na Roinne Talmhaíochta, Bia agus Mara. Cuireadh tús le plé ar an athbhreithniú ar mheabhráin tuisceana nó prótacail oibríochta reatha leis an nGníomhaireacht um Chaomhnú Comhshaoil agus na Coimisinéirí Ioncaim.
- ▶ Síníodh comhaontú nua leis an bhFeidhmeannas Sláinte agus Sábháilteachta i dTuaisceart Éireann maidir le haitheantas frithpháirteach na dteastas tumadóireachta.
- ▶ Leanadh le rannpháirtíocht leanúnach le grúpaí páirtithe leasmhara foirgníochta agus talmhaíochta tríd an gCoiste Comhairleach um Chomhpháirtíocht Sábháilteachta Foirgníochta agus an Coiste Comhairleach um Chomhpháirtíocht Sábháilteachta Feirmeoireachta.
- ▶ Sa chúram sláinte, phléigh an tÚdarás le húdaráis rialála eile chun cuir chuige choiteanna a chomhaontú i leith dul i ngleic le foréigean agus forrántacht a bhaineann leis an obair.

Tograí oibiachtúla bunaithe ar thaighde a chur i láthair an Rialtais chun maoiniú méadaithe a bhaint amach don Údarás.

- ▶ Díríodh an obair sa réimse sin den chuid is mó ar ról an Údaráis i gcás thionchar an Bhreathimeachta ar cheimiceáin, faireachas margaigh agus creidiúnú.
- ▶ Chuir an staidéar The Ageing Workforce in Ireland bonn eolais faoin méid a chuir an tÚdarás le Future Jobs Ireland.
- ▶ Mar chuid de Future Jobs Ireland, d'eagraigh an tÚdarás Cruinniú Mullaigh maidir le Todhchaí na nOibrithe agus na hOibre, ag ar labhair raon cainteoirí ó ghrúpaí idirnáisiúnta, Eorpacha agus náisiúnta le 200 rannpháirtí faoi na dúshláin a bhíonn os comhair fostaithe agus fostóirí de réir mar a fhorbraíonn an obair agus an t-ionad oibre.

SPRIOC STRAITÉISEACH

Comhoibriú agus tionchar a imirt ar an ngá atá le tuairisciú agus taifeadadh níos fearr ar thinneas agus drochshláinte cheirde agus sásraí a fhorbairt chun a chinntiú go roinntear sonraí.

DUL CHUN CINN AGUS MÉADRACHT LE HAGHAIDH 2019

- ▶ Mar chuid dá thacaíocht do scéim THOR ar thinnis cheirde a thuairisciú, bhí an tÚdarás ag plé le Bord na Dáimhe um Míochaine Shaothair i gColáiste Ríoga Lianna na hÉireann, Cumann Tóracas na hÉireann agus Cumann Deirmeolaithe na hÉireann. De bharr na rannpháirtíochta méadaithe sin, cuireadh tuairisceoirí breise leis an scéim dheonach sin.

SPRIOC STRAITÉISEACH

Páirt ghníomhach agus fhiúntach a ghlacadh i gclár oibre agus plé an Aontais Eorpaigh ar shábháilteacht agus sláinte cheirde, ceimiceán, faireachas margaidh agus creidiúnú.

DUL CHUN CINN AGUS MÉADRACHT LE HAGHAIDH 2019

- ▶ Bhí an tÚdarás rannpháirteach i gcoistí agus meithleacha tosaíochta leis na Náisiúin Aontaithe, Coimisiún an Aontais Eorpaigh, an Ghníomhaireacht Eorpach Ceimiceán (ECHA) agus an Ghníomhaireacht Eorpach um Shábháilteacht agus Sláinte ag an Obair (EU-OSHA). Tá liosta iomlán de na coistí agus meithleacha in Aguisín 3.
- ▶ Mar údarás inniúil REACH, d'éascaigh an tÚdarás cruinniú RiME+ (Ardán Bainistithe agus Measúnaithe Riosca) de chuid na mBallstát, Choimisiún an Aontais Eorpaigh agus ECHA. D'fhreastail os cionn 35 tosaíocht ar an gcruinniú chun príomhcheisteanna beartais a bhaineann le gníomhaíochtaí bainistíochta riosca a phlé. D'fhreastail an tÚdarás ar dhá chruinniú eile de chuid RiME+.
- ▶ Bhí an tÚdarás i ról an Chathaoirligh nó an Leas-Chathaoirligh i raon grúpaí AE, lena n-áirítear Bord Bainistíochta agus Fóram Forfheidhmithe ECHA.
- ▶ Ghlac an tÚdarás páirt i gcruinnithe an Choiste Chomhairligh um Shábháilteacht agus Sláinte ag an Obair de chuid Choimisiún an Aontais Eorpaigh; bhí sé ina chathaoirleach ar an Meitheal um Chóras Faisnéise Sláinte agus Sábháilteachta Ceirde agus ghlac sé páirt mar an pointe teagmhála náisiúnta don Chóras Faisnéise sin; ghlac sé páirt i Meitheal an Choiste Chomhairligh um Shábháilteacht agus Sláinte um Fhorfheidhmiú agus d'fheidhmigh sé mar rapóirtéir ar fhorbairt Tuairime ar Fhorfheidhmiú; agus d'fheidhmigh sé mar rapóirtéir ar an Meitheal um Threoir do Chomharthaí Sláinte agus Sábháilteachta Ceirde.
- ▶ D'fheidhmigh an tÚdarás mar áisitheoir le haghaidh na comhdhála a eagraíodh mar chuid d'Uachtaránacht na Rómáine ar Chomhairle an Aontais Eorpaigh dar teideal 'Occupational Safety and Health in the New World of Work, Experiences and Practices in the Member States'.
- ▶ D'fheidhmigh saineolaí na hÉireann a chuir an tÚdarás ar fáil mar rapóirtéir le haghaidh iarratais údaráithe éagsúla ar an gCoiste um Anailís Shocheacnamaíoch in ECHA. Chuir saineolaí na hÉireann ar an gCoiste um Measúnú Riosca tréimhse mar rapóirtéir i gcrích maidir le comhad srianta ar an ábhar i hidreacarbóin iltimthriallacha aramatacha in inlúnadh rubair.

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Páirt ghníomhach agus fhiúntach a ghlacadh i gclár oibre agus plé an Aontais Eorpaigh ar shábháilteacht agus sláinte cheirde, ceimiceán, faireachas margaidh agus creidiúnú (ar lean).	▶ Stiúir an tÚdarás Dámhachtainí Pointí Lárnacha agus Dea-chleachtais EU-OSHA, agus roghnaíodh dhá chuideachta Éireannacha chun tabhairt faoi ag leibhéal an Aontais Eorpaigh dá bharr. Fuair ceann de na cuideachtaí sin, BAM Ireland, ardmholadh ó EU-OSHA as a chuid oibre. ▶ Rinne an tÚdarás ionadaíocht ar Éirinn ag an gCoiste um Dhul Chun Cinn Teicniúil ar an Treoir maidir le hOibreáin Bhitheolaíocha 2000/54/CE. ▶ Rinne an Údarás ionadaíocht ar Éirinn ag Cruinniú Mullaigh Healthy Workplaces an Aontais Eorpaigh maidir le Múch Táthaithe agus ag comhdháil Uachtaránacht na Fionlainne maidir leis an Treochlár ar Charcanaiginí. Cuireadh forléargas ar fhócas sláinte an Údaráis san earnáil foirgníochta i láthair ag an gcomhdháil i Heilsincí. ▶ Chuir an tÚdarás saineolaí ar fáil chun tabhairt faoi mheastóireacht Choiste na gCigirí Sinsearacha Saothair sa Chipir. ▶ Rinne an tÚdarás cur i láthair ag comhdháil ECHA dar teideal 'Safer Chemicals'.
Dul i bpáirt leis an Rialtas chun tacaíocht a chur ar fáil do ghnóthaí agus iad ag ullmhú agus ag dul i ngleic le tarraingt siar na Ríochta Aontaithe ón Aontas Eorpach.	▶ Chuir an tÚdarás go mór le clár an Rialtais, 'Ag ullmhú do Brexit'. ▶ Reáchtáladh dhá imeacht feasachta faoin mBreatimeacht, i gCorcaigh agus i Luimneach, ar thacaigh comhlachais tráchtála áitiúla leo. Anuas air sin, bhí an tÚdarás ag comhoibriú agus rannpháirteach i seacht n-imeacht a reáchtáil an Roinn Gnó, Fiontar agus Nuálaíochta, agus ghlac sé páirt in imeachtaí a d'óstáil gníomhaireachtaí rialtais eile ar nós Rannóg Custam na gCoimisinéirí Ioncaim, oifigí fiontair áitiúla, Chambers Ireland, an Údaráis Forbartha Tionscail agus Fiontraíocht Éireann. ▶ Thug an tÚdarás comhairle agus tacaíocht trí <i>Brexit Overview Information Sheet</i>, a íoslódáladh 4,250 uair. Breathnaíodh ar an leathanach gréasáin Breatimeachta os cionn 32,000 uair. Reáchtáladh dhá fheachtas raidió. D'fhreagair deasca cabhrach an Aonaid Teagmhála leis an Ionad Oibre agus REACH ceisteanna faoi cheimiceáin agus táirgí tionsclaíocha. ▶ D'ardaigh cigirí feasacht ar impleachtaí féideartha an Bhreatimeachta ar chuideachtaí a bhíonn ag trádáil earraí (ceimiceáin agus innealra) leis an Ríocht Aontaithe mar chuid dá gníomhaíochtaí cigireachta.

Chuir an tÚdarás go mór le clár an Rialtais, 'Ag ullmhú do Brexit'

5

Tosaíocht Straitéiseach 5

An Chaoi a nOibrímid

An chaoi a n-oibrímid a fheabhsú trí dhaoine, próisis agus teicneolaíocht

SPRIOC STRAITÉISEACH

Meas a léiriú ar an bhfoireann, plé leo agus iad a fhorbairt chun cumas agus inniúlacht na heagraíochta a neartú.


DUL CHUN CINN AGUS MÉADRACHT LE HAGHAIDH 2019

- ▶ Agus muid ag obair leis an Roinn Gnó, Fiontar agus Nuálaíochta, sainathnódh poist bhreise i bhfaireachas margaidh agus creidiúnú chun aghaidh a thabhairt ar thionchair imeacht na Ríochta Aontaithe ón Aontas Eorpach. Faoi dheireadh na bliana, líon an clár earcaíochta 13 as 15 phost cheadaithe Breatimeachta.
- ▶ Cuireadh clár cuimsitheach i gcrích le haghaidh oiliúint agus fhorbairt na gcigirí agus na n-oifigeach creidiúnaithe nua.
- ▶ Cuireadh clár cuimsitheach foghlama agus forbartha ar fáil chun inniúlacht theicniúil na foirne sna rannáin ar fad a fheabhsú.
- ▶ I ndiaidh suirbhé de chuid Work Positive^{Cl} a rinneadh ar an eagraíocht ar fad, comhaontaíodh sraith gníomhartha i gcomhar leis an bhfoireann agus bunaíodh meitheal inmheánach chun tionscnaimh éagsúla a stiúradh chun tacú le rannpháirtíocht na bhfostaithe a mhéadú.
- ▶ Mar chuid den chomóradh ar 30 bliain oibre an Údaráis (1989–2019), tugadh airde ar an méid a chuireann an fhoireann, idir iad siúd atá ann anois agus iad siúd a d'ímigh, chun ár straitéis agus ár sainorduithe a bhaint amach.

Na caighdeáin rialachais is airde a chur i bhfeidhm ar réachtáil an Údaráis.

- ▶ Cuireadh meastóireacht sheachtrach ar Bhord an Údaráis agus a struchtúir rialachais i gcrích agus cuireadh na moltaí ar fad i bhfeidhm.
- ▶ Leanadh ag comhlíonadh an Chóid Cleachtais chun Comhlachtaí Stáit a Rialú.
- ▶ D'oibrigh an tÚdarás leis an Roinn Gnó, Fiontar agus Nuálaíochta i rith na n-ullmhúchán chun na comhaltaí nua Boird a cheapadh.
- ▶ Pléadh le 201 iarratas um Shaoráil Faisnéise; méadú 15% ab ea sin ar 2018.
- ▶ Cuireadh cúig athbhreithniú inmheánacha um Shaoráil Faisnéise i gcrích.
- ▶ Pléadh le ceithre iarratas um Rochtain ar Fhaisnéis faoin gComhshaol.
- ▶ Tugadh aghaidh ar naoi n-iarratas um Chosaint Sonraí.

SPRIOC STRAITÉISEACH	DUL CHUN CINN AGUS MÉADRACHT LE HAGHAIDH 2019
Teicneolaíocht agus taighde a bharrfheabhsú chun éifeachtacht agus seirbhísí a fheabhsú.	▶ Cuireadh an chéim dheireanach den aistriú go Líonraí Cumarsáide Rialtais i gcrích sna suíomhanna réigiúnacha ar fad. ▶ Fuarthas seirbhísí TFC agus sainchomhairleoireachta gnó chun cabhrú leis an Údarás i dtionscadal ilbhliantúil chun croíchóras nua a sholáthar chun tacú le cigireachtaí, imscrúduithe agus forfheidhmithe sláinte agus sábháilteachta ceirde, cigireachtaí agus forfheidhmithe ceimiceán agus gníomhaíochtaí faireachais margaidh. ▶ Tugadh faoi mheasúnú slándála bonnlíne, cuireadh clár rioscaí TFC i dtoll a chéile agus glacadh le cur chuige bunaithe ar riosca chun slándáil an bhonneagair atá ann a fheabhsú agus chun an riosca go dtarlódh eachtraí seirbhíse nó slándála a laghdú. ▶ D'fhostaigh INAB sainchomhairleoirí seachtracha chun uirlisí tuairiscithe níos tréine a chur i bhfeidhm. Thug INAB faoi iniúchadh ar an suíomh gréasáin. Cuireadh faisnéis faoi chásanna tarraingthe siar agus fionraithe ar an suíomh gréasáin. Tá raon an chreidiúnaithe nasctha anois le córas bainistithe caidrimh le cliaint. ▶ D'oibrigh an tÚdarás le hOifig Phríomh-Oifigeach Faisnéise an Rialtais, mar chuid den Straitéis TFC le haghaidh Sheirbhís Phoiblí na hÉireann, chun rochtain éifeachtach a fháil ar an ardán lárnach 'tógáil le roinnt', ar ar féidir feidhmchláir chomhroinnte agus chomhtháite a úsáid.
Dúshlán ár sainordaithe agus ár straitéise a thabhairt gach bliain chun a chinntiú go n-oiriúnaímid don timpeallacht atá ag athrú.	▶ Cuireadh meastóireacht ar an bplean trí bliana <i>Farm Safety Action Plan</i> agus ar oibríocht an Choiste Chomhairligh um Chomhpháirtíocht Sábháilteachta Feirmeoireachta i gcrích. Cuirfear na moltaí i bhfeidhm in 2020. ▶ Cuireadh meastóireacht ar an gCoiste Comhairleach um Chomhpháirtíocht Sábháilteachta Foirgníochta, chomh maith leis an bplean trí bliana, i gcrích agus tá na moltaí le cur i bhfeidhm in 2020.



Cuireadh meastóireacht ar an bplean trí bliana Farm Safety Action Plan agus ar oibríocht an Choiste Chomhairligh um Chomhpháirtíocht Sábháilteachta Feirmeoireachta i gcrích

Buaicphointí na nEarnálacha Tosaíochta in 2019

Foirgníocht

4,269
cigireacht

398
imscrúdú



Tugadh aghaidh ar láimhsiú sábháilte agus úsáid ceimiceán agus rialú dusta ar láithreáin mar chuid den tSeachtain Eorpach um Shábháilteacht ar Shubstaintí Contúirteacha

Dhá fheachtas cigireachta:

- ▶ bainistíocht tráchta (582 cigireacht)
- ▶ sláinte agus sláinteachas ceirde (480 cigireacht)



Leanadh le clár oibre an Choiste Chomhairligh um Chomhpháirtíocht Sábháilteachta Foirgníochta; tugadh faoi athbhreithniú ar an gcomhpháirtíocht chun comhairle a chur ar fáil faoin obair agus treo amach seo

Foilsíodh I.R. Uimh. 129 de 2019: Na Rialacháin um Shábháilteacht, Sláinte agus Leas ag an Obair (Foirgníocht) (Leasú), 2019

Foilsíodh Cód Cleachtais chun Dainséar ó Línte Leictreachais Lasnaide a Sheachaint



Cúram Sláinte agus Sóisialta

182
cigireacht

38
imscrúdú



Leanadh ag plé le rialálaithe eile chun cur chuige comhsheasmhach a chinntiú i leith foréigean agus forrántacht a bhaineann leis an obair a bhainistiú

Leanadh ag plé le soláthraithe seirbhísí chun aird a tharraingt ar réimsí tosaíochta

Díríodh cigireachtaí ar:

- ▶ foréigean agus forrántacht
- ▶ sciorthaí, tuislí agus titimí
- ▶ láimhsiú sábháilte
- ▶ tuairisciú teagmhais

Tugadh faoi

6,289

cúrsa a bhain go sonrach leis an gcúram sláinte ar hslearning.ie



Talmhaíocht

1,684
cigireacht

53

imscrúdú



11,502

úsáideoir ar farmsafely.com



Rannpháirtíocht sa **Chomórtas Náisiúnta Treabhdóireachta** agus i **Seó Thulach Mhór**

Foilsíodh dréacht-reachtaíocht ar oiliúint d'oibreoirí cuadrothar do chomhairliúchán poiblí



Foilsíodh póstaer 'Essential Tractor Safety Checks'

Foilsíodh **Confined Spaces in Agriculture** – Steps to Manage the Risks

Trí fheachtas cigireachta:

- ▶ láimhsiú beostoic (636 cigireacht)
- ▶ tarracóirí, innealra agus cuadrothair (716 cigireacht)
- ▶ obair ar airde (208 cigireacht)



Cuireadh clár oibre an Choiste Chomhairligh um Chomhpháirtíocht Sábháilteachta Feirmeoireachta i gcrích; tugadh faoi athbhreithniú ar an gcomhpháirtíocht chun comhairle a chur ar fáil faoin obair agus treo amach seo

Iompar agus Stóráil (Dugaí san áireamh)

575
cigireacht

Díríodh cigireachtaí ar:

- ▶ cuideachtaí iompair agus lóistíochta
- ▶ déantúsaíocht
- ▶ saoráidí dramhaíola agus athchúrsála
- ▶ ionaid miondíola agus dáilte



Reáchtáladh feachtas do na dugaí ina raibh 76 cigireacht chun aghaidh a thabhairt ar an líon ard daoine a fuair bás in 2018–2019

Reáchtáladh ceithre sheimineár réigiúnacha faoi Shábháilteacht Iompair ar ar fhreastail 500+ duine

Reáchtáladh clár i gcomhar leis an Údarás um Shábháilteacht ar Bhóithre agus an Garda Síochána, ina measc comhchigireachtaí ar dhaingniú ualaí, treoir faoi fhlíteanna liatha agus próifíl náisiúnta imbhuailtí bóthair a bhaineann leis an obair



Soláthraíodh tairseach faisnéise ar www.vehiclesatwork.ie agus feachtas teilifíse agus meáin ar líne

Reáchtáladh ceithre sheimineár réigiúnacha faoi Thiomáint don Obair ar ar fhreastail 400+ duine a dhírigh ar bhainistíocht riosca do fhlíteanna liatha



Tacaíocht agus Comhairle do Ghnóthaí agus do Pháirtithe Leasmhara

BeSMART.ie

66,296 úsáideoir san iomlán

9,967 úsáideoir nua in 2019

107 measúnú riosca nua/nuashonraithe

15

Chineál Gnó Nua

Déantóir coinne
Siamsóir do pháistí
Oibríteoir Drón/SUA
Déantúsaíocht leictreonach
Teagascóir corpachmhainne
Siopa Soilsithe
Haitéir

Beár taistil
Lónadóireacht taistil
Traenálaí pearsanta
Oibríteoir tarrthála bóthair
Inslíú do phainéil ghréine
Tógáil creataí adhmaid
Treoraí turais



Ráitis
Sábháilteachta
i gCrích

320 Gnó talmhaíochta

3,378 Foirgníocht

7,320 Gnó eile

467 Plean Sábháilteachta agus Sláinte Foirgníochta



Nuashonruithe BeSMART.ie

- ✓ Dearadh athnuaite
- ✓ Clárú na gcustaiméirí feabhsaithe
- ✓ Scáileán bainistíochta na gcustaiméirí feabhsaithe
- ✓ Plean bainistíochta tráchta ar láithreáin foirgníochta forbartha
- ✓ Uasghrádú dearaidh do ghléasanna soghluaiste



hsalearning.ie
HSA Online Courses®

31

cúrsa

32,210

Cúrsa déanta in 2019

106,469

Cúrsa san iomlán



Na 5 chúrsa is mó tóir

- 1 Bí Sábháilte – Oibrigh go Sábháilte: do scoláirí i dtús a saoil oibre
- 2 Sciorthaí, Tuislí agus Titimí san Ionad Oibre
- 3 Sábháilteacht Ceimiceán san Ionad Oibre (Túseolas)
- 4 Túseolas ar Shábháilteacht Tarracóirí
- 5 Do Shábháilteacht, Sláinte agus Leas i gCúram Sláinte

NUA

Céimeanna agus Staighrí Níos Sábháilte

Iompar san Ionad Oibre – Ionad Oibre Sábháilte (athfhorbartha)

Iompar san Ionad Oibre – Feithiclí Sábháilte (athfhorbartha)



6 Imeacht Keep Safe

- ✓ Bainisteoir grúpa mar rogha do gach cúrsa
- ✓ Teastas críochnaithe éasca le híoslódáil
- Pointí FGL do 18 gcúrsa (ar fáil ó CIRI, EI & NMBI)

ROGHNAIGH AN tSÁBHÁILTEACHT

27,913

Rannpháirtí in 2018/2019 ag ullmhú don ionad oibre



Aguisín 1:

Sleachta as Ráitis Airgeadais Neamh-iniúchta an Údaráis Sláinte agus Sábháilteachta don Bhliain dar Chríoch an 31 Nollaig 2019

Réamhrá

De réir cheanglais Alt 48 den Acht um Shábháilteacht, Sláinte agus Leas ag an Obair 2005, éilítear ar an tÚdarás Sláinte agus Sábháilteachta Ráitis Airgeadais a chur i dtoll a chéile gach bliain. Críochnaíonn bliain airgeadais an tÚdaráis an 31 Nollaig gach bliain. Caithfidh na ráitis airgeadais a bheith i bhfoirm a cheadódh an tAire Gnó, Fiontar agus Nuálaíochta le comhaontú an Aire Airgeadais. Agus na ráitis airgeadais sin á n-ullmhú, éilítear ar an tÚdarás:

- ▶ beartais chuntasaíochta chuí a roghnú agus ansin iad a chur i bhfeidhm go comhsheasmhach,
- ▶ breithiúnais agus meastacháin a dhéanamh atá réasúnach agus ciallmhar,
- ▶ na ráitis airgeadais a ullmhú ar bhonn an ghnóthais leantaigh, ach amháin i gcás nach cuí a thiomhdiú go leanfaidh an tÚdarás de bheith i bhfeidhm, agus
- ▶ a chur in iúl ar leanadh caighdeán chuntasaíochta is infheidhme, faoi réir ag aon athruithe ábhartha a nochtar agus a mhínítear sna ráitis airgeadais.

Tá an tÚdarás freagrach as leabhair chuí chuntais a choimeád a insíonn, le cruinneas réasúnach tráth ar bith, suíomh airgeadais an tÚdaráis agus a chuireann ar a chumas a chinntiú go gcomhlíonann na ráitis airgeadais Alt 48(1) den Acht um Shábháilteacht, Sláinte agus Leas ag an Obair 2005. Tá an tÚdarás freagrach freisin as sócmhainní an tÚdaráis a chosaint agus dá bhrí sin as céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Ullmhaíodh dréacht-Ráitis Airgeadais don bhliain dar chríoch an 31 Nollaig 2019 agus bhreithnigh an Bord iad ag a chruinniú Dé hAoine, 6 Márta 2020. Ullmhaíodh na dréacht-Ráitis Airgeadais le haghaidh 2019 de réir fhorálacha FRS102 agus an Chóid Cleachtais chun Comhlachtaí Stáit a Rialú 2016. D'athbhreithnigh an Bord na dréacht-Ráitis Airgeadais agus d'fhaomh sé iad ar bhonn 'gan athrú ábhartha'.

Cuireann an tÚdarás na dréacht-Ráitis Airgeadais mar a d'fhaomh an Bord iad faoi bhráid Oifig an Ard-Reachtair Cuntas agus Ciste a dhéanfaidh an t-iniúchadh seachtrach. Déantar obair allamuigh na hiniúcháireachta i rith an dara ráithe den bhliain go hiondúil.

Tógtar an fhaisnéis thíos ó na dréacht-Ráitis Airgeadais agus **níor** cheart glacadh leo mar fhoinse iontaofa faisnéise airgeadais maidir le cúinsí airgeadais an tÚdaráis go dtí go gcuirtear an iniúcháireacht sheachtrach i gcrích. Beidh na cáipéisí seo a leanas sna Ráitis Airgeadais iniúchta, anuas ar shraith iomlán nótaí míniúcháin:

- ▶ An Ráiteas ar Rialú Inmheánach Airgeadais
- ▶ An Ráiteas ar Fhreagrachtaí an tÚdaráis
- ▶ An Ráiteas ar Bheartais Chuntasaíochta
- ▶ An Ráiteas ar Ioncam agus Caiteachas agus Cúlchistí Ioncaim Choinnithe
- ▶ An Ráiteas ar Staid an Airgeadais amhail an 31 Nollaig 2019
- ▶ An Ráiteas ar Shreabhadh Airgid
- ▶ Nótaí leis an Ráiteas Airgeadais

Nuair a chuirtear an iniúcháireacht sheachtrach i gcrích agus nuair a fhaightear Tuarascáil an Ard-Reachtair Cuntas agus Ciste, déanfaidh an tÚdarás na socruithe cuí chun na Ráitis Airgeadais iniúchta a chur faoi bhráid an Aire Gnó, Fiontar agus Nuálaíochta le go gcuirfear faoi bhráid Thithe an Oireachtais iad go foirmiúil.

Is féidir cóip de Ráitis Airgeadais iniúchta an tÚdaráis a fháil ar shuíomh gréasáin an tÚdaráis a luaithe a chuirtear an iniúcháireacht sheachtrach i gcrích.

Tá conradh ag an gconraitheoir seachtrach (Crowleys DFK) le haghaidh phróiseáil idirbhearta airgeadais uile an tÚdaráis. Leanann an tÚdarás ag bainistiú na feidhme airgeadais agus tá na rialuithe agus cosaintí i bhfeidhm aige chun caighdeán na feidhme a chinntiú.

Faisnéis

Comhaltaí an Bhoird	Tom Coughlan (An Cathaoirleach)	Ceaptha 12/04/2017
	Michelle Quinn (An Leas-Chathaoirleach)	Ceaptha 20/12/2019
	Paul Kelly	Ceaptha 20/12/2019
	Frank Kelly	Ceaptha 20/12/2019
	Deirdre MacDonald	Ceaptha 20/12/2019
	Andrew Bowers	Athcheaptha 20/12/2019
	David Hughes	Ceaptha 20/12/2019
	Carol Bolger	Athcheaptha 26/02/2017
	An Dr John McCartney	Athcheaptha 26/02/2017
	An tOll. James Phelan	Athcheaptha 26/02/2017
	Deirdre Cullivan	Ceaptha 08/03/2017
	Stephen Curran (An Roinn Gnó, Fiontar agus Nuálaíochta)	Ceaptha 12/09/2017

An Príomhfheidhmeannach An Dr Sharon McGuinness

An Cheann-Oifig An tÚdarás Sláinte agus Sábháilteachta
An Foirgneamh Cathrach
Sráid James Joyce
Baile Átha Cliath 1 D01K0Y8

Iniúcháir An tArd-Reachtair Cuntas agus Ciste
3A Sráid an Mhéara Uachtarach
Baile Átha Cliath 1

Cuntasóirí Crowleys DFK
5 Cé an Lapaigh
Corcaigh

Iniúcháirí Inmheánacha Deloitte
Áras Deloitte & Touche
29 Ardán Phort an Iarla
Baile Átha Cliath 2

Ráiteas Rialachais agus Tuarascáil na gComhaltaí Bhoird

Rialachas

Bunaíodh Bord an Údaráis Sláinte agus Sábháilteachta an 1 Samhain 1989 faoin Acht um Shábháilteacht, Sláinte agus Leas ag an Obair, 1989 mar a bhí ag an am. Tháinig an tAcht um Shábháilteacht, Sláinte agus Leas ag an Obair, 2005 in áit an Achta sin. Leagtar amach feidhmeanna an Bhoird in Alt 16 d'Acht 2005. Tá an Bord cuntasach don Aire Gnó, Fiontar agus Nuálaíochta agus freagrach as dea-rialachas a chinntiú agus tugann an Bord faoin gcúram sin trí chuspóirí agus spriocanna straitéiseacha a shocrú agus cinntí straitéiseacha a dhéanamh ar na príomhcheisteanna gnó ar fad. Tá an Príomhoifigeach Feidhmiúcháin agus an fhoireann ardbhainistíochta freagrach as gnáthbhainistíocht, rialú agus treo an Údaráis Sláinte agus Sábháilteachta. Caithfidh an Príomhoifigeach Feidhmiúcháin agus an fhoireann ardbhainistíochta an treo straitéiseach leathan a shocraíonn an Bord a leanúint, agus caithfidh siad a chinntiú go bhfuil tuiscint shoiléir ag comhaltaí uile an Bhoird ar na príomhghníomhaíochtaí agus príomhchinntí a bhaineann leis an aonán, agus ar aon rioscaí suntasacha ar dóigh go dtarlódh siad. Feidhmíonn an Príomhoifigeach Feidhmiúcháin mar idirghabhálaí díreach idir an Bord agus an lucht bainistíochta an Údaráis Sláinte agus Sábháilteachta.

Freagrachtaí an Bhoird

Leagtar amach obair agus freagrachtaí an Bhoird san Acht um Shábháilteacht, Sláinte agus Leas ag an Obair, 2005, sna Buanorduithe a d'fhaomh an Bord, agus i Sceideal Feidhmeanna Forchoimeáda agus Tarmligthe an Bhoird, ina bhfuil na hábhair a gcaithfidh an Bord cinntí a dhéanamh ina leith go sonrach freisin. Áirítear leis na míreanna seasta a bhreithníonn an Bord:

- ▶ dearbhú leasa,
- ▶ tuairiscí ó Choistí,
- ▶ tuairiscí airgeadais/cuntais bainistíochta,
- ▶ tuairiscí ar fheidhmíocht, agus
- ▶ ábhair fhorchoimeáda.

Éilíonn Alt 48(1) den Acht um Shábháilteacht, Sláinte agus Leas ag an Obair, 2005 ar Bhord an Údaráis Sláinte agus Sábháilteachta gach cuntas cuí agus gnásúil ar airgead a fuair agus a chaith sé a choinneáil i cibé formáid a fhaomhfaidh an tAire Gnó, Fiontar agus Nuálaíochta, le cead an Aire Caiteachais Phoiblí agus Athchóirithe.

Agus na ráitis airgeadais seo á n-ullmhú, éilítear ar Bhord an Údaráis Sláinte agus Sábháilteachta:

- ▶ beartais oiriúnacha chuntasaíochta a roghnú agus iad a chur i bhfeidhm go seasta,
- ▶ breithiúnais agus meastacháin a dhéanamh atá réasúnach agus ciallmhar,
- ▶ a chur in iúl ar leanadh caighdeáin chuntasaíochta is infheidhme, faoi réir ag aon athruithe ábhartha a nochtar agus a mhínítear sna ráitis airgeadais, agus
- ▶ na ráitis airgeadais a ullmhú ar bhonn an ghnóthais leantaigh, ach amháin i gcás nach cuí a thiomhdiú go leanfaidh sé de bheith i bhfeidhm.

Tá an Bord freagrach as taifid chuí chuntasaíochta a choinneáil a nochtann, le cruinneas réasúnach tráth ar bith, a shuíomh airgeadais agus a chuireann ar a chumas a chinntiú go gcomhlíonann na ráitis airgeadais Alt 48(1) den Acht um Shábháilteacht, Sláinte agus Leas ag an Obair, 2005. Tá an Bord freagrach as cothabháil agus ionracas na faisnéise airgeadais agus corparáidí atá ar shuíomh gréasáin an Údaráis Sláinte agus Sábháilteachta.

Tá an Bord freagrach as an bplean agus buiséad bliantúil a fhaomhadh. Tugtar faoi mheastóireacht rialta ag cruinnithe an Údaráis ar fheidhmíocht an Údaráis Sláinte agus Sábháilteachta trí thagairt don phlean agus buiséad bliantúil.

Tá an Bord freagrach freisin as a shócmhainní a chosaint agus dá bhrí sin as céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Measann an Bord go dtugann ráitis airgeadais an Údaráis Sláinte agus Sábháilteachta léargas fírinneach cóir ar fheidhmíocht airgeadais agus ar staid airgeadais an Údaráis Sláinte agus Sábháilteachta amhail an 31 Nollaig 2019.

Struchtúr an Bhoird

Tá Cathaoirleach, Leas-Chathaoirleach agus deichniúr gnáthchomhaltaí a cheapann an tAire Gnó, Fiontar agus Nuálaíochta ar an mBord. Ceapadh na comhaltaí Boird le haghaidh tréimhse trí bliana agus tagann siad le chéile go rialta. Tá tréimhse ceapacháin na gcomhaltaí reatha sa tábla thíos:

Comhalta Boird	Ról	Dáta an Cheapacháin
Tom Coughlan	An Cathaoirleach	12 Aibreán 2017
Michelle Quinn	An Leas-Chathaoirleach	20 Nollaig 2019
Paul Kelly		20 Nollaig 2019
Carol Bolger		26 Feabhra 2017
Andrew Bowers		20 Nollaig 2019
Frank Kelly		20 Nollaig 2019
Deirdre MacDonald		20 Nollaig 2019
David Hughes		20 Nollaig 2019
An tOll. James Phelan		26 Feabhra 2017
An Dr John McCartney		26 Feabhra 2017
Mr. Stephen Curran		12 Meán Fómhair 2017
Ms. Deirdre Cullivan		8 Márta 2017

Choimisiúnaigh an Bord athbhreithniú seachtrach ar éifeachtacht go luath in 2019. Bhí suirbhé ar líne agus agallaimh aonair le comhaltaí Boird agus coiste agus le Feidhmeannas an Údaráis mar chuid den athbhreithniú. Chuir an sainchomhairleoir seachtrach tuarascáil an athbhreithnithe i láthair an Bhoird i mí an Mhárta 2019. D'fhorbair an Bord plean gníomhaíochta chun moltaí na tuarascála a chur i bhfeidhm agus cuireadh na gníomhartha sin ar fad i bhfeidhm nó tá siad ar bun faoi láthair.

Bhunaigh an Bord cúig (5) Choiste, mar seo a leanas:

- An Coiste Iniúcháireachta agus Riosca** ar a bhfuil ceathrar comhaltaí Boird. Is é ról an Choiste Iniúcháireachta agus Riosca tacú leis an mBord maidir lena fhreagrachtaí as cúrsaí riosca, rialaithe agus rialachais agus cúrsaí dearbhaithe lena mbaineann. Tá an Coiste neamhspleách ar lucht bainistíochta airgeadais na heagraíochta. Cinntíonn an Coiste go háirithe go ndéantar monatóireacht ghníomhach agus neamhspleách ar na córais rialaithe inmheánaigh, gníomhaíochtaí iniúcháireachta ina measc. Tuairiscíonn an Coiste don Bhord i ndiaidh gach cruinnithe, agus go foirmiúil i scríbhinn uair sa bhliain.

Ba iad comhaltaí an Choiste Iniúcháireachta agus Riosca i rith 2019: Carol Bolger (an Cathaoirleach), Deirdre Cullivan, Pat Kenny agus John McCartney. Bhí ceithre (4) chruinniú ag an gCoiste Iniúcháireachta agus Riosca in 2019.

2. **An Coiste Airgeadais** ar a bhfuil ceathrar comhaltaí Boird. Is é ról an Choiste Airgeadais monatóireacht agus athbhreithniú a dhéanamh ar bheartais agus straitéisí airgeadais na Údaráis.

Ba iad comhaltaí an Choiste Airgeadais i rith 2019: Carol Bolger (an Cathaoirleach), Deirdre Cullivan, Pat Kenny agus John McCartney. Bhí cúig (5) chruinniú ag an gCoiste Airgeadais in 2019.

3. **An Grúpa Stiúrtha Straitéiseach** ar a bhfuil cúigear comhaltaí Boird agus an Príomhfheidhmeannach. Is é ról an Ghrúpa Stiúrtha Straitéisigh forbairt straitéiseach an Údaráis a mheas agus monatóireacht a dhéanamh ar fheidhmíocht an Phríomh-Oifigigh Feidhmiúcháin.

Ba iad comhaltaí an Ghrúpa Stiúrtha Straitéisigh i rith 2019: Tom Coughlan (an Cathaoirleach), Dr. Sharon McGuinness, Andrew Bowers, Stephen Curran, John McCartney agus Christine Rowland. Bhí dhá (2) chruinniú ag an nGrúpa Stiúrtha Straitéiseach i rith 2019.

4. **An Coiste Reachtaíochta agus Treorach** ar a bhfuil ceathrar comhaltaí Boird. Is é ról an Choiste Reachtaíochta agus Treorach monatóireacht a dhéanamh ar chur i bhfeidhm na ngnéithe reachtaíochta agus treorach i gclár oibre an Údaráis agus imscrúdú a dhéanamh ar thograí reachtaíochta, Cóid Chleachtais agus, más gá, Treorach lena mbaineann, agus conclúidí agus/nó moltaí cuí a chur faoi bhráid an Bhoird.

Ba iad comhaltaí an Choiste Reachtaíochta agus Treorach i rith 2019: Michael Gillen (an Cathaoirleach), Dermot Carey, Deirdre Cullivan, Christine Rowland agus Frank Vaughan. Bhí trí (3) chruinniú ag an gCoiste Reachtaíochta agus Treorach in 2019.

5. **An Coiste INAB:** Is coiste de chuid an Údaráis Sláinte agus Sábháilteachta é Bord Náisiúnta na hÉireann um Chreidiúnú (INAB). Bíonn dháréag comhaltaí ar Bhord INAB, a dhéanann cinntí a bhaineann le creidiúnú a bhronnadh. Ceapann Bord an Údaráis na comhaltaí sin. Níl aon chomhaltaí Boird ar an gCoiste seo. Tháinig an Coiste le chéile seacht (7) n-uaire in 2019.

Sceideal Freastail, Táillí agus Speansais

Tugtar sceideal freastail ag na cruinnithe Boird agus Coiste le haghaidh 2019 thíos, chomh maith leis na táillí agus speansais a fuair gach comhalta:

	Bord	An Coiste Iniúcháireachta agus Riosca	An Coiste Airgeadais	An Coiste Athbhreithnithe Straitéisigh	An Coiste Reachtaíochta agus Treorach	Táillí 2019 €	Speansais 2019 €
Líon Cruinnithe	8	4	5	2	3		
Tom Coughlan	6			2		11,970	4,614
An Dr Michael Gillen	8				3	7,695	-
Pat Kenny	7	3	4			7,695	-
Carol Bolger	6	4	5			7,695	-
Andrew Bowers	7			2		7,695	-
Dermot Carey	4				3	7,695	416
Christine Rowland	8			2	3	7,695	-
Frank Vaughan	8				3	7,695	-
An tOll. James Phelan	7					7,695	-
An Dr John McCartney	6	3	3	2		7,695	199
Deirdre Cullivan	8	4	5		3	7,695	931
Stephen Curran	7			2		-	193
						88,920	6,353

Ní bhfuair Stephen Curran táillí Boird faoin bprionsabal 'Duine Amháin, Tuarastal Amháin' toisc gur oifigeach de chuid na Roinne Gnó, Fiontar agus Nuálaíochta é.

Athruithe ar an bPríomhphearsanra

Chríochnaigh cúigear comhaltaí Boird a dtéarmaí an 20 Nollaig 2019: an Dr Michael Gillen, Dermot Carey, Frank Vaughan, Christine Rowland agus Pat Kenny. Rinneadh cúig cheapachán nua an 20 Nollaig 2019: Frank Kelly, Paul Kelly, Michelle Quinn, Deirdre MacDonald agus David Hughes.

Thosaigh Kevin De Barra ag obair leis an Údarás an 30 Meán Fómhair 2019 mar Leas-Phríomhfheidhmeannach, Seirbhísí Corparáideacha. Ceapadh é tar éis comórtas oscailte i ndiaidh don té a bhí sa phost roimhe sin dul ar scor.

Nochtadh a Éilítear faoin gCód Cleachtais chun Comhlachtaí Stáit a Rialú (2016)

Tá an Bord freagrach as a chinntiú gur chomhlíon an tÚdarás Sláinte agus Sábháilteachta ceanglais an Chóid Cleachtais chun Comhlachtaí Stáit a Rialú ("an Cód"), mar a d'fhoilsigh an Roinn Caiteachais Phoiblí agus Athchóirithe é i mí Lúnasa 2016. Éilítear an nochtadh seo a leanas de réir an Chóid:

Costais Sainchomhairleoireachta

Áirítear leis na costais sainchomhairleoireachta costas comhairle seachtraí don lucht bainistíochta agus ní áirítear leo feidhmeanna seachfhoinsithe na gnáthoibre.

	2019 €	2018 €
Comhairle dlí	55,631	39,834
Comhairle airgeadais/achtúireach	60,145	32,111
Sainchomhairleoireacht TF	5,708	30,281
Cumarsáid Sheachtrach	53,140	16,605
Sainchomhairleoireacht sláinte ceirde	36,194	15,714
Forbairt straitéise	71,958	35,869
Acmhainní Daonna	26,720	47,109
Costais sainchomhairleoireachta iomlána	309,496	217,523

Costais sainchomhairleoireachta chaipitlithe

	-	-
Costais sainchomhairleoireachta a gearradh ar an Ráiteas ar Ioncam agus Caiteachas agus Cúlchistí Ioncaim Choinnithe	309,496	217,523
Iomlán	309,496	217,523

Costais Dlí agus Socruithe

Tugtar miondealú sa tábla thíos ar shuimeanna a aithníodh mar chaiteachas sa tréimhse tuairiscithe maidir le costais dlí, socruithe agus imeachtaí comhréitigh agus eadrána a bhaineann le conarthaí le tríú páirtithe. Ní áirítear ann caiteachas a tabhaíodh maidir le comhairle ghinearálta dlí a fuair an tÚdarás Sláinte agus Sábháilteachta a nochtar sna costais Sainchomhairleoireachta thuas.

	2019 €	2018 €
Táillí dlí - imeachtaí dlí	75,846	81,687
Íocaíochtaí comhréitigh agus eadrána	-	-
Socruithe	-	-
Iomlán	75,846	81,687

Áirítear sna costais dlí seo suim €0 i leith cúinsí leanúnacha a bhaineann le gníomhaireachtaí Stáit eile.

Caiteachas Taistil agus Cothabhála

Déantar catagóiriú ar chaiteachas taistil agus cothabhála mar seo a leanas:

	2019 €	2018 €
Intíre		
Bord	5,819	9,473
Fostaithe	893,791	892,660
Idirnáisiúnta		
Bord	534	-
Fostaithe	183,778	162,237
Iomlán	1,083,922	1,064,370

Áirítear leis taisteal agus cothú €6,353 a íocadh go díreach le comhaltaí Boird in 2019 (2018: €9,473).
D'íoc an tÚdarás Sláinte agus Sábháilteachta caiteachas taistil agus cothaithe €1,818 thar ceann na gcomhaltaí Boird in 2019 (2018: €0).

Caiteachas Fáilteachais

Tá an caiteachas fáilteachais seo a leanas sa Chuntas Ioncaim agus Caiteachais:

	2019 €	2018 €
Fáilteachas foirne	5,561	8,106
Fáilteachas cliant	-	-
Iomlán	5,561	8,106

An Ráiteas ar Chomhlíonadh

Ghlac an Bord leis an gCód Cleachtais chun Comhlachtaí Stáit a Rialú (2016), agus chuir sé gnáthaimh i bhfeidhm chun a chinntiú go gcomhlíontar an Cód. Chomhlíon an tÚdarás Sláinte agus Sábháilteachta an Cód Cleachtais chun Comhlachtaí Stáit a Rialú le haghaidh 2019.

An Ráiteas ar Rialú Inmheánach

An Raon Freagrachta

Thar ceann Bhord an Údaráis Sláinte agus Sábháilteachta, aithním an fhreagracht atá orainn as a chinntiú go ndéantar córas éifeachtach rialaithe inmheánaigh a chothabháil agus a oibriú. Cuireann an fhreagracht sin ceanglais an Chóid Cleachtais chun Comhlachtaí Stáit a Rialú (2016) san áireamh.

Cuspóir an Chórais Rialaithe Inmheánaigh

Ní féidir leis an gcóras ach deimhniú réasúnta agus ní deimhniú iomlán a sholáthar go gcosnaítear sócmhainní, go n-údaraitear agus go ndéantar taifeadadh ceart ar idirbhearta, agus go seachnaítear earráidí ábhartha nó neamhrialtachtaí nó go n-aimseofaí iad laistigh de thréimhse thráthúil.

Tá céimeanna glactha ag an Údarás chun timpeallacht chuí rialaithe a chinntiú mar seo a leanas:

- ▶ freagrachtaí agus cumhachtaí bainistíochta a shainmhíniú go soiléir,
- ▶ nósanna imeachta foirmiúla a bhunú chun teipeanna suntasacha rialaithe a thuairisciú agus gníomhaíocht cheartaitheach chuí a chinntiú,
- ▶ próiseas a bhunú chun sócmhainní an Údaráis a chosaint, agus
- ▶ cultúr láidir cuntasachta a fhorbairt i ngach leibhéal den eagraíocht.

An Cumas Dul i nGleic le Riosca

Tá próisis bunaithe ag an Údarás chun rioscaí gnó a aithint agus a mheas mar seo a leanas:

- ▶ cineál, méid agus tionchair airgeadais na rioscaí a bhíonn le sárú ag an Údarás a shainaithint, lena n-áirítear an méid agus na catagóirí a mheasann sé atá inghlactha,
- ▶ an dóchúlacht go dtarlóidh rioscaí aitheanta a mheasúnú,
- ▶ cumas an Údaráis chun rioscaí a tharlaíonn a bhainistiú agus a mhaolú a mheasúnú,
- ▶ costais rialuithe áirithe oibríochta a mheasúnú i gcomparáid leis an tairbhe a bhaintear astu, agus
- ▶ oibriú go dlúth leis an Rialtas agus le gníomhaireachtaí éagsúla chun a chinntiú go bhfuil tuiscint mhaith ar spriocanna an Údaráis agus tacaíocht do na straitéisí chun na spriocanna sin a bhaint amach.

Creat Riosca agus Rialaithe

Tá an córas rialaithe inmheánaigh bunaithe ar chreat faisnéise bainistíochta rialta, nósanna imeachta riaracháin lena n-áirítear scaradh dualgas, agus córas tarmhligthe agus cuntasachta. Áirítear leis sin go háirithe:

- ▶ córas cuimsitheach buiséadaithe le buiséad bliantúil a athbhreithníonn agus a chomhaontaíonn an Bord,
- ▶ athbhreithnithe rialta an Bhoird ar thuarascálacha bliantúla agus tréimhsiúla a léiríonn feidhmíocht airgeadais i gcoinne réamhaisnéisí,
- ▶ spriocanna a leagan síos chun an fheidhmíocht airgeadais agus eile a thomhas,
- ▶ treoirlínte ceannaigh agus faofa atá sainithe go soiléir, agus
- ▶ disciplíní foirmiúla bainistíochta tionscadail.

Coiste Iniúcháireachta agus Riosca gníomhach, a tháinig le chéile ceithre huairé i rith na bliana agus a oibríonn go dlúth leis an mBord ar réimsí riosca a d'fhéadfadh tionchar a imirt ar an Údarás. Leagann an Bord amach an fonn riosca don Údarás, cinntíonn sé go bhfuil próisis bainistíochta riosca i bhfeidhm agus sonraíonn sé ról agus freagrachtaí na foirne a bhaineann le cúrsaí riosca. Déantar meastóireacht ar an rioscaí le clár rioscaí, ina sainaithnítear príomhrioscaí an Údaráis, agus rangaitear na rioscaí de réir na dóchúlachta agus na n-iarmhairtí don Údarás le maitris scórála chomhaontaithe. Déanann an Coiste Iniúcháireachta agus Riosca agus an Bord athbhreithniú ar shliocht as an gClár Rioscaí ina sonraítear ardrioscaí agus rioscaí meánacha ag gach cruinniú, agus athbhreithníonn siad an Clár Rioscaí iomlán gach bliain.

Deimhnímid go bhfuil timpeallacht rialaithe i bhfeidhm le haghaidh na réimsí seo a leanas:

- ▶ Córas cuimsitheach buiséadaithe le buiséad bliantúil a athbhreithníonn agus a chomhaontaíonn an Bord.
- ▶ Athbhreithnithe rialta an Bhoird ar thuarascálacha bliantúla agus tréimhsiúla a léiríonn feidhmíocht airgeadais i gcoinne réamhaisnéisí.
- ▶ Spriocanna a leagan síos chun an fheidhmíocht airgeadais agus eile a thomhas.
- ▶ Treoirlínte ceannaigh agus faofa atá sainithe go soiléir.
- ▶ Disciplíní foirmiúla bainistíochta tionscadail.

Tá feidhm iniúchóireachta inmheánaí bunaithe ag an Údarás, feidhm a ghníomhaíonn de réir na bprionsabal sa Chód Cleachtais chun Comhlachtaí Stáit a Rialú a foilsíodh i mí Mheán Fómhair 2016. Cabhraíonn gnólacht iniúcháirí inmheánacha neamhspleácha leis an Údarás an plean iniúchóireachta inmheánaí a d'fhaomh an Bord a chur i bhfeidhm. Treoraíonn anailís ar an riosca dá nochtar an tÚdarás obair na iniúchóireachta inmheánaí, agus bunaítear a pleananna iniúchóireachta inmheánaí bliantúla ar an anailís sin. Tacaíonn an Coiste Iniúchóireachta agus Riosca leis an anailís ar riosca agus na pleananna iniúchóireachta inmheánaí agus faomhann Bord an Údaráis iad. Uair sa bhliain ar a laghad, tabharfaidh an tIniúcháir Inmheánach tuarascáil ar ghníomhaíocht iniúchóireachta inmheánaí don Údarás. Áirítear sa tuarascáil sin tuairim an Iniúcháir Inmheánaigh ar leordhóthanacht agus éifeachtacht an chórais rialaithe inmheánaigh.

Maidir le monatóireacht agus athbhreithniú an Údaráis ar éifeachtacht an chórais rialaithe inmheánaigh, tarraingíonn sé ar obair an iniúcháir inmheánaigh, an Coiste Iniúchóireachta agus Riosca a dhéanann maoirseacht ar obair an iniúcháir inmheánaigh, Feidhmeannas an Údaráis atá freagrach as an gcreat rialaithe airgeadais a fhorbairt agus a bhainistiú, agus ráitis a dhéanann Oifig an Ard-Reachtair Cuntas agus Ciste i litreacha bainistíochta nó i dtuarascálacha eile.

Soláthar

Deimhnímid go bhfuil nósanna imeachta i bhfeidhm ag an Údarás Sláinte agus Sábháilteachta chun comhlíonadh na rialacha agus na dtreoirlínte reatha soláthair a chinntiú, agus gur chomhlíon an tÚdarás Sláinte agus Sábháilteachta na nósanna imeachta sin i rith 2019.

Athbhreithniú ar Éifeachtacht

D'athbhreithnigh an Bord an Ráiteas ar an gcóras Rialaithe Inmheánaigh chun a chinntiú go léiríonn sé go cruinn an córas rialaithe a bhí i bhfeidhm i rith na tréimhse tuairiscithe.

Deimhnímid gur thug an Bord faoi athbhreithniú bliantúil ar éifeachtacht na rialuithe inmheánacha in 2019.

Tá dearbhú réasúnta ag an Údarás gur éifeachtach na córais rialuithe inmheánacha a thionscain agus a chuir an tÚdarás Sláinte agus Sábháilteachta i bhfeidhm don bhliain airgeadais dar chríoch an 31 Nollaig 2019 agus suas go dáta faofa na ráiteas airgeadais.

Fadhbanna Rialaithe Inmheánaigh

Níor sainaithníodh aon laigí i rialú inmheánach in 2019 a d'éileodh nochtadh sna ráitis airgeadais.

An Ráiteas ar Ioncam agus Caiteachas agus Cúlchistí Ioncaim Choinnithe

don bhliain dar chríoch an 31 Nollaig 2019

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Ioncam		
An Roinn Gnó, Fiontar agus Nuálaíochta - Deontas ón Oireachtas	18,492,709	18,390,154
Ioncam Creidiúnaithe	2,918,694	2,709,790
Ioncam COMAH	150,139	103,711
Ioncam Eile	188,695	137,214
Aistriú (chuig)/ó Chuntas Caipitil	157,064	(139,256)
Sócmhainn maoinithe sochair scoir iarchurtha	4,108,000	4,009,000
	26,015,301	25,210,613
Caiteachas		
Costais Tuarastail	10,989,168	11,322,888
Costais Sochair Scoir	5,477,702	4,755,154
Speansais Oibríochta	8,532,251	9,113,794
	24,999,121	25,191,836
Barrachas/(Easnamh) don bhliain	1,016,180	18,777
An tlarhméid a tugadh ar aghaidh an 1 Eanáir	1,204,034	1,185,257
An tlarhméid a tugadh ar aghaidh an 31 Nollaig	2,220,214	1,204,034

An Ráiteas ar Ioncam Cuimsitheach

don bhliain dar chríoch an 31 Nollaig 2019

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Barrachas don bhliain	1,016,180	18,777
Caillteanas taithí ar oibleagáidí sochair scoir	11,987,000	(3,959,000)
Athrú ar thoimhdí is bonn le luach reatha na n-oibleagáidí sochair scoir	(1,846,000)	(2,998,000)
Gnóthachain achtúireacha sa bhliain	10,141,000	(6,957,000)
Coigeartú ar mhaoiniú sochair scoir iarchurtha	(10,141,000)	6,957,000
Ioncam Cuimsitheach Iomlán don bhliain	1,016,180	18,777

An Ráiteas ar Staid an Airgeadais

Don bhliain dar chríoch an 31 Nollaig 2019

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Sócmhainní Seasta		
Réadmhaoín, gléasra agus trealamh	755,184	912,248
Sócmhainní Reatha		
Suimeanna infhaighte	993,873	821,965
Airgead agus coibhéisí airgid	1,851,832	1,075,542
	2,845,705	1,897,507
Suimeanna iníoctha	(625,491)	(693,475)
Glansócmhainní Reatha	2,220,214	1,204,032
Sócmhainní Iomlána líide Dliteanais Reatha roimh Sochair Scoir	2,975,398	2,116,280
Sócmhainn maoinithe sochair scoir iarchurtha	117,084,000	102,835,000
Oibleagáid sochar scoir	(117,084,000)	(102,835,000)
Glansócmhainní Iomlána	2,975,398	2,116,280
Ag léiriú		
Cúlchistí ioncaim choinnithe	2,220,214	1,204,034
Cuntas caipitil	755,184	912,246
	2,975,398	2,116,280

An Ráiteas ar Shreabhadh Airgid

don bhliain dar chríoch an 31 Nollaig 2019

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Barrachas/(Easnamh) oibríochta don bhliain	1,016,180	18,777
Dímheas	239,831	242,823
Aistriú (ó)/chuig Cúlchiste Caipitil	(157,064)	139,256
(Laghdú)/Méadú ar shuimeanna iníoctha	(67,982)	7,701
(Méadú)/laghdú ar shuimeanna infhaighte	(171,908)	574,873
Glan-insreabhadh airgid ó ghníomhaíochtaí oibriúcháin	859,057	983,430
Sreafaí airgid ó Ghníomhaíochtaí Infheistíochta		
Glan-sreafaí Airgid ó Ghníomhaíochtaí Maoinithe	859,057	983,430
Íocaíochtaí chun réadmhaoin, gléasra agus trealamh a fháil	(82,767)	(382,079)
	776,290	601,350
Airgead agus Coibhéisí Airgid an 31 Nollaig 2018	1,075,542	474,191
Airgead agus Coibhéisí Airgid an 31 Nollaig 2019	1,851,832	1,075,542

Sleachta as na Nótaí

(atá mar chuid de na ráitis airgeadais)

1. BEARTAIS CHUNTASAÍOCHTA

Leagtar amach thíos an bunús cuntasáiochta agus na beartais shuntasacha chuntasaíochta ar ghlac an tÚdarás Sláinte agus Sábháilteachta leo. Cuireadh i bhfeidhm go seasmhach iad i rith na bliana agus don bhliain roimhe sin.

a) Faisnéis Ghinearálta

Bunaíodh an tÚdarás Sláinte agus Sábháilteachta faoin Acht um Shábháilteacht, Sláinte agus Leas ag an Obair, 1989 (tháinig an tAcht um Shábháilteacht, Sláinte agus Leas ag an Obair, 2005 in áit an Achta sin), le Ceann-Oifig ag: An Foirgneamh Cathrach, Sráid James Joyce, Baile Átha Cliath 1 D01 K0Y8.

Leagtar amach príomhchuspóirí an Údaráis in Alt 34 d'Acht 2005. Tá an tÚdarás Sláinte agus Sábháilteachta (HSA) freagrach as riaradh agus forfheidhmiú na sláinte agus na sábháilteachta ag an obair in Éirinn. Déanann an tÚdarás monatóireacht ar chomhlíonadh reachtaíochta san ionad oibre agus féadfaidh sé gníomh forfheidhmithe a dhéanamh (go dtí agus lena n-áirítear ionchúisimh). Is an tÚdarás an t-ionad náisiúnta le haghaidh faisnéise agus comhairle d'fhostóirí, fostaithe agus daoine féinfhostaithe ar gach gné den tsláinte agus sábháilteacht san ionad oibre. Cuireann an Údarás oideachas, oiliúint agus taighde i réimse na sláinte agus sábháilteachta chun cinn freisin. Tá raon leathan gníomhaíochtaí i gceist le sainordú an Údaráis, lena n-áirítear:

- ▶ ardchaighdeán sláinte agus sábháilteachta ag an obair a chur chun cinn,
- ▶ cigireacht ar gach áit oibre agus monatóireacht ar chomhlíonadh na ndlíthe sláinte agus sábháilteachta,
- ▶ imscrúdú ar thimpistí tromchúiseacha, cúiseanna drochshláinte agus gearáin,
- ▶ taighde a dhéanamh ar an tsláinte agus sábháilteacht ag an obair agus taighde dá leithéid a urrú,
- ▶ cóid chleachtais, treoir agus cáipéisí faisnéise a fhorbairt agus a fhoilsiú,
- ▶ seirbhís faisnéise a sholáthar i rith uaireanta oifige, agus
- ▶ dlíthe agus caighdeán nua ar an tsláinte agus sábháilteacht ag an obair a fhorbairt.

Is é Bord Náisiúnta na hÉireann um Chreidiúnú (INAB) an comhlacht náisiúnta atá freagrach as creidiúnú de réir shraith caighdeán ábhartha 17000 de chuid Eagraíocht Idirnáisiúnta na gCaighdeán (ISO). Is é comhlacht náisiúnta na hÉireann é i líonra Eorpach na gcomhlachtaí creidiúnaithe. Déanann INAB measúnú ar chomhlachtaí creidiúnaithe, saotharlanna agus comhlachtaí cigireachta le seiceáil an gcloíonn siad le caighdeán chomhchuibhithe idirnáisiúnta, ag soláthar dearbhú go léiríonn na comhlachtaí sin inniúlacht agus cumas feidhmíochta ina gcuid oibre.

Bunaíodh INAB mar Choiste Forfás faoi Alt 10 den Acht um Fhorbairt Tionscail, 1993 arna leasú le hAlt 46 den Acht um Fhorbairt Tionscail (Fiontraíocht Éireann), 1998.

Faoin Acht um Fhorbairt Tionscail (Forfás a Dhíscaoileadh), 2014, aistríodh INAB mar Choiste de chuid an Údaráis Sláinte agus Sábháilteachta, agus aistríodh feidhmeanna agus foireann iomlán INAB go dtí an tÚdarás.

Is é an tÚdarás an comhlacht atá freagrach as creidiúnú de réir an dlí. Tarmlichtear an fhreagracht sin chuig an gCoiste (ar a tugtar an Bord Creidiúnúcháin i reachtaíocht 2014). Ceapann Bord an Údaráis comhaltaí an Bhoird Creidiúnúcháin agus is fostaithe de chuid an Údaráis iad an fhoireann a shanntar do INAB chun tabhairt faoina fheidhmeanna laethúla.

Is Eintiteas ar mhaithe le Leas an Phobail é an tÚdarás.

b) An Ráiteas ar Chomhlíonadh

Ullmhaíodh ráitis airgeadais an Údaráis Sláinte agus Sábháilteachta don bhliain dar chríoch an 31 Nollaig 2019 de réir FRS102, an caighdeán tuairiscithe airgeadais atá i bhfeidhm sa Ríocht Aontaithe agus in Éirinn, a eisiúnn an Chomhairle um Thuairisciú Airgeadais (FRC), mar a fheidhmíonn Chartered Accountants Ireland iad.

c) Bunús an Ullmhúcháin

Ullmhaíodh na ráitis airgeadais faoin gcoinbhinsiún costais stairiúil, ach amháin i gcás sócmhainní agus dlíteanais áirithe a thomhaistear ar a luach cóir mar a mhínítear sna beartais chuntasaíochta thíos. Tá na ráitis airgeadais i bhformáid a d'fhaomh an tAire Gnó, Fiontar agus Nuálaíochta, le comhthoilliú an Aire Caiteachais Phoiblí agus Athchóirithe faoin Acht um Shábháilteacht, Sláinte agus Leas ag an Obair, 2005. Cuireadh na beartais chuntasaíochta seo a leanas i bhfeidhm go leanúnach ag déileáil le hítimí a mheastar is gá maidir le ráitis airgeadais an Údaráis.

d) Ioncam**Deontais ón Oireachtas**

Aithnítear ioncam ar bhonn fabhráithe go hiondúil; eisceacht amháin is ea na Deontais ón Oireachtas, a aithnítear ar bhonn admhálacha airgid. Léiríonn deontais ón Oireachtas a thaispeántar sa Ráiteas ar Ioncam agus Caiteachas agus Cuntas Cúlchistí Ioncaim Choinnithe na suimeanna a fuarthas ón Roinn Gnó, Fiontar agus Nuálaíochta i leith na bliana sin.

Ioncam INAB

Léiríonn ioncam do Bhord Náisiúnta na hÉireann um Chreidiúnú (INAB) ioncam a gcuirtear sonrasc ina leith i rith na bliana.

Ioncam COMAH

Ioncam ó chostais in-aisghabhála ar cuireadh sonrasc ina leith i rith na bliana as cigireachtaí agus imscrúduithe a dhéanamh faoi na Rialacháin um an Acht Ceimiceán, 2015.

Ioncam Eile

Taifeadtar gach ioncam eile sa tréimhse lena mbaineann sé sa Ráiteas ar Ioncam agus Caiteachas agus Cúlchistí Ioncaim Choinnithe.

e) Réadmhaoin, Gléasra agus Trealamh

Luaitear réadmhaoin, gléasra agus trealamh ar a gcostas lúide dímheas carntha, arna choigeartú le haghaidh aon fhorála le haghaidh bearnú. Foráiltear do dhímheas ar gach réadmhaoin, gléasra agus trealamh, ag rátaí a mheastar chun an costas lúide an luach iarmharach measta a bhaineann le gach sócmhainn a dhíscríobh de réir méid chothroim thar a saolré úsáideach mheasta, mar seo a leanas:

Troscán agus trealamh oifige	20%	De réir méid chothroim
Trealamh ríomhaireachta	33.33%	De réir méid chothroim
Trealamh eolaíochta	20%	De réir méid chothroim
Daingneáin agus fearais	10%	De réir méid chothroim

Feidhmíonn an tÚdarás beartas tairsí caipitlithe €1,000.

Léiríonn luach iarmharach an tsuim mheasta a gheofaí faoi láthair dá ndiúscrófaí sócmhainn, i ndiaidh costais mheasta diúscartha a bhaint, má bhí an tsócmhainn ag an aois agus sa bhail a mbeifí ag súil leis ag deireadh a saolré úsáidí cheana féin.

Má tá fianaise oibiachtúil ar bhearnú ar luach na sócmhainne, aithnítear an caillteanas bearnaithe sa Ráiteas ar Ioncam agus Caiteachas agus Cúlchistí Ioncaim Choinnithe sa bhliain.

f) Cuntas Caipitil

Cuimsítear sa Chuntas Caipitil luach gan amúchadh na ndeontas caipitil a úsáidtear chun sócmhainní seasta a chistiú.

g) Airgeadra Eachtrach

Déantar sócmhainní agus dliteanais airgeadais in airgeadraí coigríche a aistriú ag na rátaí malartaithe a bhíonn i bhfeidhm ar dháta an Ráitis ar Staid an Airgeadais. Aistrítear ioncain agus costais ag na rátaí malartaithe tráth na n-idirbheart bunaidh.

Déileáladh le brabúis agus caillteanais a eascraíonn as aistrithe airgeadra eachtraigh agus ar shocrú suimeanna infhaighte agus iníoctha sa Ráiteas ar Ioncam agus Caiteachas agus Cuntas Cúlchistí Coinnithe.

h) Suimeanna Infhaighte

Aithnítear suimeanna infhaighte ag a luach cóir, lúide foráil le haghaidh fiacha amhrasacha. Is foráil shonrach í an fhoráil le haghaidh fiacha amhrasacha, agus bunaítear í nuair atá fianaise oibiachtúil ann nach mbeidh an tÚdarás Sláinte agus Sábháilteachta in ann na suimeanna ar fad atá ag dul dó a bhailiú. Aithnítear gach gluaiseacht san fhoráil le haghaidh fiacha amhrasacha sa Ráiteas ar Ioncam agus Caiteachas agus Cúlchistí Ioncain Choinnithe.

i) Léasanna oibriúcháin

Aithnítear caiteachas cíosa faoi léasanna oibríochta sa Ráiteas ar Ioncam agus Caiteachas agus Cúlchistí Ioncain Choinnithe thar shaolré an léasa. Aithnítear caiteachas de réir méid chothroim thar thréimhse an léasa, seachas má tá méaduithe cíosa ann a bhaineann leis an ráta measta boilscithe, nuair a aithnítear na méaduithe sin nuair a thabhaítear iad. Aithnítear aon dreasachtaí léasa a fhaightear thar shaolré an léasa.

j) Sochair fostaithe**Sochair Ghearrthéarmacha**

Aithnítear sochair ghearrthéarmacha ar nós pá saoire mar speansas sa bhliain, agus áirítear sochair a fhabhraítear ag deireadh na bliana sna Suimeanna Iníoctha sa Ráiteas ar Staid an Airgeadais.

Sochair Scoir

Bhunaigh an tÚdarás Sláinte agus Sábháilteachta a scéim pinsean le sochar sainithe roimhe seo, scéim a mhaoineítear go bliantúil ar bhonn íoc mar a théitear ó airgead a thugann an Roinn Gnó, Fiontar agus Nuálaíochta agus ó ranníocaíochtaí a bhaintear as tuarastal foirne agus ball. Feidhmíonn an tÚdarás Scéim Aonair Pinsean na Seirbhísí Poiblí (“an Scéim Aonair”) freisin, scéim sochair shainithe do státseirbhísigh inphinsin a ceapadh ar an 1 Eanáir 2013 nó ina dhiaidh sin. Íoctar ranníocaíochtaí bhaill na Scéime Aonair leis an Roinn Caiteachais Phoiblí agus Athchóirithe.

Léiríonn costais phinsean sochair pinsean a thuill fostaithe, agus léirítear iad glan ó ranníocaíochtaí pinsean na foirne a íocann an Roinn Gnó, Fiontar agus Nuálaíochta agus an Roinn Caiteachais Phoiblí agus Athchóirithe. Aithnítear suim a chomhfhreagraíonn don mhuirear pinsean mar ioncam sa mhéid is gur féidir é a aisghabháil, agus déantar é a fhritháireamh le deontais a fhaightear sa bhliain chun íocaíochtaí pinsean a íoc.

Léirítear gnóthachain nó caillteanais achtúireacha ar dhliteanais na scéime sa Ráiteas ar Ioncam Cuimsitheach, agus aithnítear coigeartú comhfhreagrach sa tsuim atá in-aisghabhála ón Roinn Gnó, Fiontar agus Nuálaíochta.

Léiríonn na ráitis airgeadais, ar luach cóir, sócmhainní agus dliteanais a eascraíonn as oibleagáidí pinsin an Údarais agus aon mhaoiniú lena mbaineann, agus aithnítear na costais a bhaineann le sochair phinsin a sholáthar sna tréimhsí cuntasíochta a dtuilltear fostaithe iad. Tomhaistear dliteanais na scéime sochair scoir ar bhonn achtúireach leis an modh creidmheasa aonaid measta.

k) Forálacha

Aithnítear forálacha nuair atá oibleagáid dhlíthiúil nó inchiallaithe reatha ag an Údarás mar thoradh ar imeachtaí a tharla roimhe sin; is dóigh go mbeadh eas-sreabhadh acmhainní ag teastáil chun an oibleagáid a réiteach; agus is féidir meastachán iontaofa a dhéanamh ar shuim na hoibleagáide.

l) Teagmhais

Ní aithnítear dliteanais teagmhais a eascraíonn as imeachtaí a tharla roimhe seo (i) nuair nach dóigh go mbeidh eas-sreabhadh acmhainní ann nó nuair nach féidir an tsuim a thomhas go hiontaofa ar an dáta tuairiscithe nó (ii) nuair a dheimhneofar gurb ann dó mar go dtarlaíonn nó nach dtarlaíonn imeachtaí éiginnte sa todhchaí nach bhfuil smacht iomlán ag an Údarás orthu. Nochtar dliteanais teagmhais sna ráitis airgeadais murar dóigh ar chor ar bith go mbeidh eas-sreabhadh ann.

Ní aithnítear sócmhainní teagmhais. Nochtar sócmhainní teagmhais sna ráitis airgeadais nuair is dóigh go mbeidh insreabhadh sochar geilleagrach ann.

m) Breithiúnais agus Meastacháin Chriticiúla Chuntasaíochta

Éilítear ar an lucht bainistíochta, agus na ráitis airgeadais á n-ullmhú, breithiúnais, meastacháin agus toimhdí a dhéanamh a théann i bhfeidhm ar na suimeanna a thuairiscítear le haghaidh sócmhainní agus dliteanas amhail dáta an tuairiscithe agus na suimeanna a thuairiscítear le haghaidh ioncain agus caiteachais i rith na bliana. Ach mar gheall ar nádúr an mheastacháin, d'fhéadfadh go mbeadh an-difríocht idir na torthaí iarbhir agus na meastacháin sin. Bhí an tionchar is suntasaí ar na suimeanna a aithnítear sna ráitis airgeadais ag na breithiúnais seo a leanas.

Bearnú Réadmhaoine, Gléasra agus Trealaimh

Déantar athbhreithniú ar shócmhainní a bhíonn faoi réir amúchadh le haghaidh bearnú nuair a thugann imeachtaí nó athruithe ar chúinsí le fios go bhféadfadh nach mbeadh an tsuim ghlanluacha in-aisghabhála. Aithnítear caillteanas bearnúcháin don tsuim dá sáraíonn suim ghlanluacha na sócmhainne a suim in-aisghabhála. Is ionann suim in-aisghabhála agus luach cóir sócmhainne lúide costais lena díol agus a luach úsáide, pé acu is mó. Ar mhaithe le bearnú a mheasúnú, cuirtear sócmhainní i ngrúpaí ag na leibhéil is ísle dá bhfuil sreafaí airgid inaitheanta ar leith (aonaid giniúna airgid). Athbhreithnítear sócmhainní neamhairgeadais ar tharla bearnú orthu le haghaidh aisiompú féideartha an bhearnaithe ar gach dáta tuairiscithe.

Dímheas agus Luachanna Iarmharacha

D'athbhreithnigh na Stiúrthóirí saolréanna na sócmhainní agus luachanna iarmharacha lena mbaintear na n-aicmí sócmhainní seasta ar fad, agus go háirithe, saolré úsáideach gheilleagrach agus luachanna iarmharacha daingneán agus fearas, agus bhain siad de thátaí as sin ar fad go bhfuil na saolréanna sócmhainní agus na luachanna iarmharacha iomchuí.

Forálacha

Déanann an tÚdarás Sláinte agus Sábháilteachta forálacha d'oibleagáidí dlí agus inchiallaithe, nuair is eol dó go bhfuil siad gan íoc ag dáta deiridh na tréimhse. Bíonn na forálacha sin bunaithe ar eolas stairiúil nó ar eolas ábhartha eile, coigeartaithe do threochtaí le deireanaí nuair is gá. Ach is meastacháin iad ar chostais airgeadais imeachtaí nach dtarlódh go ceann roinnt mhaith blianta seans. Dá bhrí sin, agus de bharr a mhéad éiginnteachta a bhaineann leis na torthaí deiridh, d'fhéadfadh difríocht shuntasach a bheith idir an toradh iarbhir agus an meastachán.

Oibleagáid Sochar Scoir

Déantar athbhreithniú bliantúil, bunaithe ar na dálaí reatha geilleagracha agus ar aon athruithe ábhartha ar théarmaí agus coinníollacha na bpleananna pinsin agus iarscoir, ar na toimhdí is bonn taca do na luachálacha achtúireacha dá gcinntear na suimeanna a aithnítear sna ráitis airgeadais (lena n-áirítear rátaí lascaine, rátaí méadaithe ar leibhéil chúitimh amach anseo, rátaí mortlaíochta agus rátaí threochtaí na gcostas cúram sláinte).

D'fhéadfadh siad seo a leanas tionchar a imirt ar na toimhdí:

- (i) an ráta lascaine, athruithe ar an ráta toraidh ar bhannaí corparáideacha d'ardchaighdeán;
- (ii) leibhéil cúitimh sa todhchaí, dálaí mhargadh an tsaothair sa todhchaí; agus
- (iii) rátaí treochta costas cúraim sláinte, ráta boilscithe na gcostas leighis sna réigiúin ábhartha.

2. DEONTAIS ÓN OIREACTHAS

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
An Roinn Gnó, Fiontar agus Nuálaíochta - Vóta 32 - Fotheideal C5	19,165,007	19,075,000
Ranníocaíochtaí Pinsin Fostaithe a cuireadh ar aghaidh chuig an Roinn Gnó, Fiontar agus Nuálaíochta	(617,274)	(669,583)
Ranníocaíochtaí na Scéime Singil a cuireadh ar aghaidh chuig an Roinn Caiteachais Phoiblí agus Athchóirithe	(55,024)	(33,764)
	18,492,709	18,390,154

3. IONCAM CREIDIÚNAITHE

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Ioncam Creidiúnaithe	2,918,694	2,709,790

I ndiaidh dhíscailéadh Forfás in 2014, aistríodh Bord Náisiúnta na hÉireann um Chreidiúnú (INAB) chuig an Údarás Sláinte agus Sábháilteachta. Tá INAB freagrach as gníomhaíochtaí creidiúnaithe agus cuireann sé sonraisc chuig cliant as an obair a dhéantar.

4. IONCAM COMAH

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Ioncam COMAH	150,139	103,711

In 2016, thug an tÚdarás sceideal táillí isteach le haghaidh gníomhaíochtaí éagsúla cigireachta agus imscrúdaithe faoi na Rialacháin um an Acht Ceimiceán (Rialú Guaiseacha Mórthionóiscí ina bhfuil Substaintí Contúirteacha i gCeist), 2015.

5. IONCAM EILE

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Ioncam ó Chúrsa Oiliúna Tiománaithe	100,000	67,500
Fíneálacha ADR	8,500	6,700
Díolacháin Fhoilseacháin an Údaráis	535	825
Ioncam ECHA	16,528	42,556
Ilghnéitheach (Seimineáir, Dlí, Speansais Finnéithe, Coimisiún an Aontais Eorpaigh)	63,132	19,633
	188,695	137,214

6. COSTAIS TUARASTAL

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Sochair ghearrthéarmacha na foirne	10,015,607	10,392,625
ÁSPC an fhostóra	973,561	930,263
Costais Tuarastal Iomlána	10,989,168	11,322,888

Sochair Ghearrthéarmacha na Foirne

Buntuarastal	10,023,856	10,348,256
Ragobair	42,243	21,722
Liúntais	39,508	22,647
	10,015,607	10,392,625

Deimhníonn an tÚdarás nach raibh aon íocaíochtaí foirceanta i rith 2019.

Líon Foirne

Leibhéil Foirne Iarbhír amhail deireadh na bliana – Gairmiúil/teicniúil	129.2	132.2
Leibhéil Foirne Iarbhír amhail deireadh na bliana – Riarachán	45.3	39.3
	174.5	171.5

Baineadh tobhach pinsean €509,939 (2018: €580,610) ó chomhaltaí foirne agus íocadh é leis an Roinn Gnó, Fiontar agus Nuálaíochta.

	An bhliain dar chríoch an 31 Nollaig 2019 €	An bhliain dar chríoch an 31 Nollaig 2018 €
Luach Saothair an Phríomhoifigigh Feidhmiúcháin		
Luach Saothair an Phríomhoifigigh Feidhmiúcháin (An Dr Sharon McGuinness) - Pá comhlán	140,973	67,557

Taisteal agus Cothabháil an Phríomhoifigigh Feidhmiúcháin

Costais Taistil an Phríomhoifigigh Feidhmiúcháin (An Dr Sharon McGuinness)	14,120	5,658
--	--------	-------

Fuair an Príomh-Oifigeach Feidhmiúcháin tuarastal €140,973 agus speansais dar luach €14,120 in 2019. Ceapadh an Dr Sharon McGuinness mar an Príomh-Oifigeach Feidhmiúcháin an 1 Iúil 2018.

Ní bhfuair an Príomh-Oifigeach Feidhmiúcháin aon bhónas ná peorcaisí sa bhliain.

Tá teidlíochtaí sochair pinsin an Phríomh-Oifigigh Feidhmiúcháin ag teacht leis na teidlíochtaí caighdeánacha i scéim samhla aoisliúntais sochair shainithe na hearnála poiblí.

Miondealú ar Shochair Fostaithe

Raon na sochar fostaithe iomlán		Líon Fostaithe	
Ó	Go	2019	2018
€60,000	- €69,999	41	43
€70,000	- €79,999	34	27
€80,000	- €89,999	11	16
€90,000	- €99,999	3	7
€100,000	- €109,999	7	3
€110,000	- €119,999	0	1
€120,000	- €149,999	1	1
Iomlán		97	98

Tabhair faoi deara: Chun críocha an nocht seo, áirítear le sochair ghearrthéarmacha fostaithe maidir le seirbhísí a rinneadh i rith na tréimhse tuairiscithe tuarastal, liúntais ragoibre agus íocaíochtaí eile a dhéantar thar ceann an fhostaí, ach ní áirítear leo ÁSPC an fhostóra.

7. TÁILLÍ AGUS SPEANSAIS NA GCOMHALTAÍ

	2019	2019	2018	2018
Comhalta Boird	Táillí	Speansais	Táillí	Speansais
	€	€	€	€
Carol Bolger	7,695	-	7,695	-
Andrew Bowers	7,695	-	7,695	-
Dermot Carey	7,695	416	7,695	955
Tom Coughlan (an Cathaoirleach)	11,970	4,614	11,970	6,234
Stephen Curran (An Roinn Gnó, Fiontar agus Nuálaíochta)	-	193	-	185
Deirdre Cullivan	7,695	931	7,695	1,511
An Dr Michael Gillen	7,695	-	7,695	-
Pat Kenny	7,695	-	7,695	-
John McCartney	7,695	199	7,695	419
An tOllamh James Phelan	7,695	-	7,695	-
Christine Rowland	7,695	-	7,695	-
Frank Vaughan	7,695	-	7,695	169
	88,920	6,353	88,920	9,473

8. SPEANSAIS OIBRÍOCHTA

	lomlán 2019 €	lomlán 2018 €
Cóiríocht	1,729,713	1,697,481
Costais chumarsáide	303,723	402,980
Taisteal agus Cothabháil - náisiúnta	899,610	892,660
Taisteal agus Cothabháil - idirnáisiúnta	184,312	162,237
Foilseacháin agus margaíocht	1,314,514	2,023,778
Seirbhísí dlí	129,871	121,521
Taighde	79,832	149,733
Seirbhísí airgeadais	280,761	257,885
Pinsin agus acmhainní daonna	16,519	15,509
Sainchomhairleoireacht eile	240,011	444,834
Creidiúnú - costais measúnóirí seachtracha	910,137	860,216
Athbhreithniú ar phróiseas gnó	518,692	455,283
Costais foirne	432,053	343,034
Soláthairtí trealamh ghinearálta	272,401	160,758
Infheistíocht i bhfoghlaím	226,742	195,668
Costais teicneolaíochta	506,856	427,580
Dímheas	239,831	242,823
Táillí iniúcháireachta inmheánaí	40,485	19,319
Táillí iniúcháireachta seachtraí	17,000	16,000
Táillí na gComhaltaí	88,920	88,920
Eile	94,561	135,575
Drochfhiacha	5,707	-
	8,532,251	9,133,794


Áirítear le speansais oibríochta muirear €5,561 (2018: €8,106) i ndáil le suimeanna a d'íoc an tÚdarás as fáilteachas foirne.

Tabhair faoi deara gur athaicmíodh na figiúirí comparáideacha nuair is gá ar bhonn a thagann le cur i láthair na bliana reatha.

Aguisín 2:

Cigireachtaí agus Ionchúisimh 2019

Tábla 2.1 Líon na gcigireachtaí agus na n-imscrúduithe ar an ionad oibre 2009–2019



Tábla 2.2 Cigireachtaí agus imscrúduithe ar an ionad oibre de réir earnáil gheilleagrach agus gníomh forfheidhmithe 2019

Earnáil gheilleagrach	Cigireachtaí agus imscrúduithe ¹	Íocaíocht ina ionad (fíneálacha ar an láthair)	Fógra nó treoir feabhsúcháin	Fógra toirmisc	Comhairle i scríbhinn
Talmhaíocht, foraoiseacht agus iascaireacht	1,737	0	112	97	863
Mianadóireacht agus cairéalú	300	0	21	7	184
Déantúsaíocht	953	0	53	22	625
Soláthar uisce, séarachas, bainistiú dramhaíola agus gníomhaíochtaí feabhsúcháin	149	0	2	2	96
Foirgníocht	4,667	0	123	405	2,503
Trádáil mórdhíola agus miondíola, deisiúchán mótarfheithiclí agus gluaisrothar	1,029	0	39	17	701
Iompar agus stóráil	624	28	17	6	447
Gníomhaíochtaí seirbhísí cóiríochta agus bia	167	0	6	2	105
Sláinte an duine agus gníomhaíochtaí oibre sóisialta	220	0	4	1	162
Earnálacha eile	456	0	12	5	239
Iomlán	10,302	28	389	564	5,925

¹ Áirítear anseo cigireachtaí agus imscrúduithe san ionad oibre a rinneadh faoi reachtaíocht sláinte agus sábháilteachta ceirde agus ceimiceán.

Tábla 2.3 Clár imscrúdaithe sláinte agus sábháilteachta ceirde agus ceimiceán, 2019

Imscrúduithe ar ghearáin	Tugadh tús áite do cheisteanna a tarraingíodh anuas leis an Údarás mar ghearáin nó ábhair imní. Chuathas i ngleic le gearáin leis an té ar a raibh an dualgas go hiondúil agus, nuair ba ghá, sannadh ar an gcigireacht iad lena n-imscrúdú. D'fhéadfaí cigireachtaí aonair ar an ionad oibre a ordú de bharr ábhair imní.	705
Imscrúduithe ar thimpistí	Imscrúdaíodh gach timpiste san ionad oibre ina bhfuair duine bás. Tugadh tús áite do thimpistí tromchúiseacha eile dá n-imscrúdú, má cuireadh ar shúile an Údaráis iad, nó ordáíodh cigireachtaí aonair ar an ionad oibre. Rinneadh imscrúdú freisin ar eachtraí contúirteacha áirithe, fiú murar gortaíodh aon duine.	327

Tábla 2.4 Toradh na n-ionchúiseamh a críochnaíodh in 2019

Cineál imeachta	Líon iomlán a éisteadh	% na gcásanna a éisteadh	Dífe/ cúiseanna caite amach	Á achomharc	Pianbhreith ar fionraí	Seirbhís phobail	An tAcht Promhaidh	Fíneálacha
Ar díotáil	10 ¹	48%	2					€907,000
Go hachomair	11 ²	51%		1	1			€31,000
Iomlán	21	100%	2	1	1			€938,000

¹ I gcás indíotáilte amháin, taifeadadh pléadáil chiontach ar an gcúis aonair a bhí ann. Níor ghearr an chúirt aon fhíneáil ná pionós eile.

² I gcás achoimre amháin, thaifid an captaen i gceannas pléadáil chiontach; rinneadh achomharc ar an gcás sin i mí Feabhra 2020.

Tábla 2.5 Sonraí na n-ionchúiseamh a críochnaíodh in 2019 (seachas na cásanna dífe)

Cásanna achoimre

Duine aonair a ionchúiseamh

Éisteadh an cás seo an **7 Eanáir 2019** i gCúirt Dúiche Chorcaí, Sráid Anglesea, Cathair Chorcaí. D'eascair an cás as timpiste mharfach i rith obair foirgníochta. Ionchúisíodh an cliant tionscadail toisc nár ceapadh, i scríbhinn, maoirseoir tionscadail don chéim foirgníochta agus nach bhfuarthas deimhniú i scríbhinn ar ghlacadh an cheapacháin.

SÁRÚ	REACHTAÍOCHT	FÍORASC	FÍNEÁIL
Rialachán 6(1)(b) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Foirgníocht) An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000

Tully Bookmakers Management Limited

Éisteach an cás seo an **25 Eanáir 2019** i gCúirt Dúiche na hInse, Co. an Chláir. D'eascair an cás as mainneachtain cloí le Fógra Feabhsúcháin agus Sárúithe a chonaic cigire ón 27 Meitheamh go dtí an 21 Nollaig 2017.

SÁRÚ	REACHTAÍOCHT	FÍORASC	FÍNEÁIL
Alt 66	An tAcht um Shábháilteacht, Sláinte agus Leas ag an Obair, 2005	Pléadáil chiontach	€1,000
Rialachán 20(b)	Na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007	Pléadáil chiontach	€1,000

Duine aonair a ionchúiseamh

Éisteadh an cás seo an **11 Aibreán 2019** i gCúirt Dúiche Ghuaire, Co. Loch Garman. D'eascair an cás as timpiste mharfach an 16 Samhain 2016 nuair a chuaigh fostaí thar bord ó ártach iascaireachta.

SÁRÚ	REACHTAÍOCHT	FÍORASC	PIANBHREITH
Alt 11(1)(c)(2) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	6 mhí, 2 mhí ar fionraí
Alt 8(2)(j) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	6 mhí, 2 mhí ar fionraí (go comhthráthach leis an gcéad phianbhreith)

**Spellmans
Timber Limited**

Éisteadh an cás seo an **4 Meitheamh 2019** i gCúirt Dúiche Chill Airne, Co. Chiarraí. D'éascair an cás as mainneachtain gníomhaíochtaí oibre a bhainistiú agus a dhéanamh ar bhealach a chinnteodh sábháilteacht, sláinte agus folláine na bhfostaithe an 12 Márta 2018.

SÁRÚ	REACHTAÍOCHT	FÍORASC	FÍNEÁIL
Rialachán 33(e) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007 An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,500
Alt 8(2)(a) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,500

**Duine aonair a
ionchúiseamh**

Éisteadh an cás seo an **18 Meitheamh 2019** i gCúirt Dúiche Bhaile Átha Cliath. D'éascair an cás as mainneachtain maoirseoir tionscadail inniúil a cheapadh i scríbhinn don phróiseas deartha agus maoirseoir tionscadail inniúil a cheapadh don chéim foirgníochta le haghaidh obair foirgníochta a rinneadh i mBaile Átha Cliath.

SÁRÚ	REACHTAÍOCHT	FÍORASC	FÍNEÁIL
Rialachán 6(1)(a) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Foirgníocht), 2013 An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,500
Rialachán 20(b)	Na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007	Pléadáil chiontach	Arna cur san áireamh

**Western Brand
Group Ltd**

Éisteadh an cás seo an **4 Meán Fómhair 2019** i gCúirt Dúiche Chaisleán an Bharraigh, Co. Mhaigh Eo. Bain an cás le heachtra an 26 Eanáir 2018 nuair a chuaigh lámh agus géag fostaí i bhfostú i ValueDrum córas maranáidithe inlíne (meaisín) de chuid Stork Titan BV, agus ghabh gortuithe tromchúiseacha dó dá bharr.

SÁRÚ	REACHTAÍOCHT	FÍORASC	FÍNEÁIL
Alt 8(2)(e) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,500
Alt 8(2)(e) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh
Alt 19(4) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh

Lacken Mushrooms Limited

Éisteadh an cás seo an **4 Meán Fómhair 2019** i gCúirt Dúiche Bhaile Átha Luain, Co. na hIarmhí. Bain an cás le heachtra an 18 Nollaig 2017 nuair a ghortaigh meaisín castainne fostaí agus ar ghabh gortú tromchúiseach dá ghéag chlé dá bharr.

SÁRÚ	REACHTAÍOCHT	FÍORASC	FÍNEÁIL
Alt 8(2)(e) contrártha d'Alt 77(9)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,500

Haven Fishing Limited

Éisteadh an cás seo an **5 Meán Fómhair 2019** i gCúirt Dúiche Dhroichead na Bandan, Co. Chorcaí. Bhain an cás le heachtra ag Cé Chionn tSáile i mí na Bealtaine 2018 nuair a bhí crann tógála ag dílódaíl gabháil éisc ó ártach iascaireachta. Thit an crann tógála, agus an t-ualach air, den ártach agus anuas ar dhíon veain. Bhí beirt oibrithe ar chúl na veain ag an am.

SÁRÚ	REACHTAÍOCHT	FÍORASC	FÍNEÁIL
Alt 8(2)(c)(iii) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000

Duine aonair a ionchúiseamh

Éisteadh an cás seo an **9 Deireadh Fómhair 2019** i gCúirt Dúiche Chluainín, Co. Liatroma. D'eascair an cás seo as sárúithe a sainithníodh ag seiceáil ar thaobh an bhóthair agus as mainneachtain fógra íocaíochta seasta a íoc.

SÁRÚ	REACHTAÍOCHT	FÍORASC	FÍNEÁIL
Mainneachtain a chinntiú go raibh an umarfheithicil faoi réir cigireacht bhliantúil theicniúil	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	
Mainneachtain a chinntiú go raibh an fheithicil sin faoi réir cigireacht idirmheánach	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	Arna cur san áireamh
Mainneachtain a chinntiú go raibh fógra agus marcáil ar an umarfheithicil	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	Arna cur san áireamh
Mainneachtain a chinntiú go raibh comharthaí foláirimh inseasta go neamhspleách, cosaint súl agus foireann earraí i gcás doirteadh san umarfheithicil	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	Arna cur san áireamh
Mainneachtain comhairleoir sábháilteachta earraí contúirteacha a cheapadh	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	Arna cur san áireamh
Mainneachtain an tÚdarás a chur ar an eolas faoi aitheantas comhairleora sábháilteachta earraí contúirteacha a cheapadh	Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair), I.R. 311 de 2011 go 2017	Pléadáil chiontach	Arna cur san áireamh

Farrells (1992) Limited

Éisteadh an cás seo an **5 Samhain 2019** i gCúirt Dúiche Ros Comáin i ndiaidh imscrúdú ar thimpiste a tharla d'fhostaí an 6 Iúil 2018. Ghabh gortú tromchúiseach do ghéag an fhostaí a bhí ag obair ag meaisín pacála olla.

SÁRÚ	REACHTAÍOCHT	FÍORASC	FÍNEÁIL
Alt 8(2)(a) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000
Alt 8(2)(e) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000
Alt 8(2)(g) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000

Cásanna ar díotáil

Harrington Concrete and Quarries Limited

Éisteadh an cás seo an **6 Feabhra 2019** i gCúirt Dúiche Chaisleán an Bharraigh, Co. Mhaigh Eo. Bhain an cás le heachtra an 11 Meitheamh 2015 i gCairéal na Ceathrún Scoilte, Achadh Mór, Béal Átha hAmhnais. Ghabh gortú pearsanta d'fhostaí agus fuair sé bás nuair a mhainnigh an chuideachta a chinntiú go raibh an t-innealra brúite carraige ag an gcairéal sábháilte agus gan riosca don tsláinte. Ní raibh dóthain cosanta ná bacainn eile ar chrannóg an bhrúiteora ná idir an fánán fotha agus an chrannóg chun cosaint ar an riosca go dtitfí isteach sa chrannóg agus i mbéal an bhrúiteora carraige.

SÁRÚ	REACHTAÍOCHT	FÍORASC	FÍNEÁIL
Alt 8(1) a bhaineann le hAlt 8(2)(c)(iii) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€500,000
Alt 8(1) a bhaineann le hAlt 8(2)(e) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh
Rialachán 14(a) ag sárú Rialachán 11(1)(b) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Cairéil), 2008 An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh

**Cill Mhantain
Iompar Teoranta**

Éisteadh an cás seo an **19 Márta 2019** i gCúirt Chuarda an Náis, Co. Chill Dara. Bain an cás le heachtraí an 17 Feabhra 2017 ag Road R1Q, Páirc Fiontraíochta Bhaile na Mná Maithe, an Náis. Mhainnigh an chuideachta a chinntiú go raibh na háiteanna oibre lasmuigh agus laistigh eagraithe ar bhealach a bhféadfadh coisithe agus feithiclí gluaiseacht go sábháilte. Níor shainaithin sé guaiseacha, níor mheasúnaigh sé na rioscaí a bhain leis na guaiseacha sin agus ní raibh measúnú scríofa ar an rioscaí do shábháilteacht, sláinte agus folláine na bhfostaithe ag an obair aige maidir le lódáil, dílóidáil nó cúlú feithiclí nó teoraithe sna bána lódála nó limistéir leibhéalaí duga.

SÁRÚ	REACHTAÍOCHT	FÍORASC	FÍNEÁIL
Alt 19(1) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€25,000
Rialachán 14(a) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007 An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh

**Agri Line Construction
Limited (Nelgara Steel
Buildings Limited
roimhe sin)**

Éisteadh an cás seo an **5 Meitheamh 2019** i gCúirt Chuarda Phort Láirge. Bhain an cás le heachtra an 27 Feabhra 2015 sa Bhuaile Aitinn, Cill Rosanta. D'fhulaing fostaí gortú tromchúiseach pearsanta nuair a thit sé thart ar chúig mhéadar trí dhíon agus é ag suiteáil leatháin dín ar fhoirgneamh talmhaíochta. Ní raibh aon bhearta cosanta titime ná coisc titime i bhfeidhm.

SÁRÚ	REACHTAÍOCHT	FÍORASC	FÍNEÁIL
Alt 8(2)(a) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€15,000
Alt 8(2)(a) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€20,000
Alt 8(2)(e) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€15,000

**Balfour Beatty CLG
Limited**

Éisteadh an cás seo an **25 Meitheamh 2019** i gCúirt Chuarda an Aonaigh, Co. Thiobraid Árann. Bhain an cás le heachtra an 27 Feabhra 2015 gar don R445 i gCarraig an Tóchair, an tAonach. Ghabh gortú pearsanta do dhuine nárbh fhostaí de chuid Balfour Beatty CLG é ag láithreán foirgníochta agus oibreacha trinse agus fuair sé bás. Mhainnigh an chuideachta a chinntiú go raibh bearta nó réamhchúraimí cuí sábháilteachta i bhfeidhm chun oibrithe a chosaint ar na contúirtí a bhaineann le píobánra a brúchóiríodh le haghaidh tástála ar an láthair sin.

SÁRÚ	REACHTAÍOCHT	FÍORASC	FÍNEÁIL
Alt 12 contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€300,000

CMS Distribution Limited

Éisteadh an cás seo an **1 Samhain 2019** i gCúirt Chuarda Chaisleán an Bharraigh, Co. Mhaigh Eo. D'eascair an cás as mainneachtain maoirseoir tionscadail inniúil a cheapadh i scríbhinn don chéim foirgníochta le haghaidh obair foirgníochta a rinneadh i gCoillte Mach.

SÁRÚ	REACHTAÍOCHT	FÍORASC	FÍNEÁIL
Rialachán 6(1)(b) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Foirgníocht), 2013 An tAcht um Shábháilteacht, Sláinte agus Leas ag an Obair, 2005	Pléadáil chiontach	€2,000

Duine aonair a ionchúiseamh

Éisteadh an cás seo an **1 Samhain 2019** i gCúirt Chuarda Chaisleán an Bharraigh, Co. Mhaigh Eo. D'eascair an cás as mainneachtain córas sábháilte oibre a sholáthar le haghaidh obair ar airde. Ag eascairt as sin, ghabh gortú pearsanta d'fhostaí a fuair bás dá bharr.

SÁRÚ	REACHTAÍOCHT	FÍORASC	FÍNEÁIL
Alt 8(2)(e) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€10,000
Alt 8(2)(e) contrártha d'Alt 77(9)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	€10,000
Alt 19(1) contrártha d'Alt 77(2)(a)	An tAcht um Shábháilteacht, Sláinte agus Leas ag an Obair, 2005	Pléadáil chiontach	Arna cur san áireamh

Duine aonair a ionchúiseamh

Éisteadh an cás seo an **1 Samhain 2019** i gCúirt Chuarda Chaisleán an Bharraigh, Co. Mhaigh Eo. D'eascair an cás as an mainneachtain a chinntiú tráth nach raibh scafall ar fáil lena úsáid, i rith a thógála, a bhainte nó a athraithe ina measc, gur cuireadh comharthaí foláirimh air, agus an mhainneachtain a chinntiú go raibh an scafall á chosaint ag bacainní nó modhanna oiriúnacha eile ar rochtain nó úsáid gan chead.

SÁRÚ	REACHTAÍOCHT	FÍORASC	FÍNEÁIL
Rialachán 107(f) contrártha d'Alt 77(2)(c)	Na Rialacháin um Shábháilteacht, Sláinte agus Leas ag an Obair (Feidhm Ghinearálta), 2007 An tAcht um Shábháilteacht, Sláinte agus Leas ag an Obair, 2005	Pléadáil chiontach	€10,000

Aguisín 3:

Ionadaíocht AE agus Idirnáisiúnta 2019

Mar an t-údarás náisiúnta agus an ceannasaí náisiúnta ar reachtaíocht sláinte agus sábháilteachta ceirde, ceimiceán agus faireachais margaidh, ghlac an tÚdarás páirt ghníomhach i gcoistí agus sainmheithleacha AE agus idirnáisiúnta. Ag na cruinnithe ar fad, chuir an tÚdarás seasamh na hÉireann in iúl go héifeachtach chun tionchar a imirt ar thoradh a théann chun tairbhe na hÉireann nó nach gcruthaíonn míbhuntáiste d'Éirinn. Thug an tÚdarás ionchur teicniúil, eolaíochta agus beartais freisin ag leibhéal AE agus idirnáisiúnta eile mar a d'iarr an tAire agus an Roinn Gnó, Fiontar agus Nuálaíochta. Ní liosta cuimsitheach é an liosta thíos, ach pléitear ann na príomhchoistí agus na príomh-mheithleacha ar ar freastalaíodh in 2019.

Coistí Eorpacha agus idirnáisiúnta ina raibh an tÚdarás rannpháirteach

Bord Bainistíochta na Gníomhaireachta Eorpaí Ceimiceán (ECHA)

Bord Rialacháin EU-OSHA

Coiste Airteagal 133 REACH

Údarás Inniúil agus Foghrúpaí CARACAL le haghaidh REACH agus CLP

An Coiste um Measúnú Riosca in ECHA

An Coiste um Anailís Shocheacnamaíoch in ECHA

Coiste na mBallstát ar REACH

Fóram ECHA ar Fhorfheidhmiú REACH, CLP agus Rialachán Rotterdam

Meitheal ECHA um Shuaiteoirí Inchríneacha

An Mheitheal um Ghlantach

Coiste an Údarais Náisiúnta Ainmnithe le haghaidh Rialachán Rotterdam

Lár-Údarás Inniúil le haghaidh Seveso

RiME+: Ardán Bainistithe agus Measúnaithe Riosca (Ceimiceáin)

An Mheitheal um Nochtadh – Sainghrúpa REACH maidir le Nochtadh (Ceimiceáin)

An Eagraíocht um Thoirmeasc ar Airm Cheimiceacha

Coiste Comhairleach um Shábháilteacht agus Sláinte ag an Obair (grúpaí sainleasa agus ceardlanna ina measc)

Líonra Lárionad EU-OSHA

Meitheal Comhpháirtíochta Cumarsáide EU-OSHA

Meitheal an Aontais Eorpaigh um Chóras Faisnéise Sláinte agus Sábháilteachta Ceirde

Meitheal an Aontais Eorpaigh um Fhorfheidhmiú Reachtaíochta

Coiste an Aontais Eorpaigh um Iompar Earraí Contúirteacha

Meitheal UNECE um Iompar Earraí Contúirteacha (WP15)

Fochoiste Saineolaithe ECOSOC um Iompar Earraí Contúirteacha

Comhairle Sábháilteachta Iompair na hEorpa – sábháilteacht ar bhóithre a bhaineann leis an obair
Coiste Comhairleach an Aontais Eorpaigh um Brú-Threalamh Iniompair
Coistí Comhairleacha an Aontais Eorpaigh um an Treoir maidir le hInnealra
Coistí Comhairleacha an Aontais Eorpaigh um Brú-Threalamh
Coistí Comhairleacha an Aontais Eorpaigh um an Treoir um Ardaitheoirí
Coistí Comhairleacha an Aontais Eorpaigh um an Treoir maidir le Trealamh Cosanta Pearsanta
Coistí Comhairleacha an Aontais Eorpaigh um an Treoir maidir le ATEX (atmaisféir inphléasccha)
Meitheal an Aontais Eorpaigh um an Treoir maidir le hInnealra
Meitheal an Aontais Eorpaigh um Brú-Threalamh
Meitheal an Aontais Eorpaigh um an Treoir maidir le Trealamh Cosanta Pearsanta
Meitheal an Aontais Eorpaigh um an Treoir maidir le ATEX (atmaisféir inphléasccha)
Buan-Mheitheal an Aontais Eorpaigh um Thionscail Eastóscacha
Príomhchigirí Mianach an Aontais Eorpaigh
Grúpa Gníomhaíochta Costais SACURIMA ar Thalmhaíocht
Coiste na gCigirí Sinsearach Saothair
An Mheitheal Theicniúil um Staidrimh na hEorpa ar Thimpistí ag an Obair
Coistí Teicniúla agus Beartais Chomhar na hEorpa um Chreidiúnú [Saotharlanna, Cigireacht, Comhchuibhiú, Teastasú, Comhaontú Iltaobhach, Comhthionól]
Coistí Teicniúla agus Beartais an Chomhair Idirnáisiúnta um Chreidiúnú Saotharlainne [Saotharlanna, Cigireacht, Comhthionól]
Coistí Teicniúla agus Beartais an Fhórait Idirnáisiúnta Creidiúnúcháin [Teastasú, Comhthionól]
Coistí an Choimisiúin Eorpaigh agus na hEagraíochta um Chomhar agus Forbairt Eacnamaíochta ar Dhea-chleachtas Saotharlainne
Coistí an Choimisiúin Eorpaigh um Chórais um Bainistíocht agus Iniúchadh Comhshaoil

Aguisín 4:

Reachtaíocht agus Treoir 2019

Reachtaíocht

- I.R. Uimh. 129 de 2019: Na Rialacháin um Shábháilteacht, Sláinte agus Leas ag an Obair (Foirgníocht) (Leasú), 2019
- I.R. Uimh. 179 de 2019: Na Rialacháin um Shábháilteacht, Sláinte agus Leas ag an Obair (Cairéil) (Leasú), 2019
- I.R. Uimh. 180 de 2019: Na Rialacháin um Shábháilteacht, Sláinte agus Leas ag an Obair (Tumadóireacht) (Leasú), 2019
- I.R. Uimh. 181 de 2019: An tOrdú fán Acht um Shábháilteacht, Sláinte agus Leas ag an Obair, 2005 (Comhaontú maidir le Nithe a Aithint), 2019
- I.R. Uimh. 213 de 2019: Na Rialacháin um an Acht Ceimiceán 2008 (Rialachán Rotterdam), 2019
- I.R. Uimh. 277 de 2019: Rialacháin na gComhphobal Eorpach (Iompar Earraí Contúirteacha de Bhóthar agus Úsáid Brú-Threalamh Iniompair) (Leasú), 2019
- I.R. Uimh. 592 de 2019: Na Rialacháin um Shábháilteacht, Sláinte agus Leas ag an Obair (Carcanaiginí) (Leasú), 2019
- I.R. Uimh. 630 de 2019: Na Rialacháin maidir le Substaintí Contúirteacha (Siopaí Miondíola Leachtanna agus Breoslaí Inadhainte), 2019
- I.R. Uimh. 631 de 2019: Na Rialacháin maidir le Substaintí Contúirteacha (Siopaí Soláthair Tráchtála agus Seachadta Leachtanna agus Breoslaí Inadhainte), 2019

Cód Cleachtais, Treoir agus Bileoga Faisnéise

- Code of Practice for Inland and Inshore Diving
- Code of Practice for Offshore Diving
- Code of Practice for Avoiding Dangers from Overhead Electricity Lines
- The Medical Examination and Assessment of Divers at Work
- Guidance for Divers on Medical Certificates of Fitness to Dive
- Brexit Overview Information Sheet
- Chemical Safety in Hairdressing Information Sheet
- What to Expect When the Health and Safety Inspector Calls
- Safe Quarry: A Guide for Quarry Workers
- Quarry Vehicle Brakes Maintenance and Testing Information Sheet
- Managing Ergonomic Risk in the Workplace to Improve Musculoskeletal Health
- Work Positive^{CI} Information Brochure
- Essential Tractor Safety Checks (póstaer)
- Confined Spaces in Agriculture – Steps to Manage the Risks
- Managing Grey Fleet Information Sheet

Aguisín 5:

Tuarascáil Bhliantúil 2019 don Aire ar Oibriú na nAchtanna Ceimiceán 2008 agus 2010

Bord Náisiúnta na hÉireann um Chreidiúnú

Ceapadh an tÚdarás Sláinte agus Sábháilteachta (dá ngairtear an tÚdarás anseo) mar an príomhúdarás náisiúnta faoin Acht Ceimiceán, 2008. Foráiltear san Acht Ceimiceán, 2008, arna leasú, do riar agus forfheidhmiú náisiúnta Rialachán REACH, Rialachán na nGlantach, Rialachán Rotterdam (Toiliú Feasach a chur in iúl roimh ré) agus Rialachán CLP. Amhail an 1 Meitheamh 2015, tá na Rialacháin maidir le Rialú Guaiseacha Mórtionóiscí ina bhfuil Substaintí Contúirteacha i gCeist (COMAH) (Seveso III) faoi raon feidhme na nAchtanna Ceimiceán 2008 agus 2010, ach níl siad sin faoi réir na tuarascála bliantúla seo.

Tá oibleagáidí riaracháin agus/nó forfheidhmithe ag cúig údarás náisiúnta faoin Acht Ceimiceán, is iad sin, an tAire Talmhaíochta, Bia agus Mara, an Ghníomhaireacht um Chaomhnú Comhshaoil, Bord Ospidéal Beaumont, Rannóg Custam na gCoimisinéirí Ioncaim agus Bord Náisiúnta na hÉireann um Chreidiúnú (INAB).

Éilítear faoi alt 8(4) d'Acht 2008 go ndéanfaidh údarás náisiúnta (seachas an tÚdarás): (a) socruithe leordhóthanacha chun a fheidhmeanna faoi na forálacha reachtúla iomchuí a chomhlíonadh; (b) taifid chuí a choinneáil; agus (c) tuarascáil a thabhairt don Údarás laistigh de dhá mhí tar éis dheireadh gach bliana. Beidh an fhaisnéis is cuí leis an údarás nó a éileoidh an tÚdarás sa tuarascáil sin. I gcomhlíonadh a dhualgas reachtúil faoin Acht, d'éiligh an tÚdarás ar gach údarás náisiúnta thuasluaite tuairisciú ar a ghníomhaíochtaí faoi Achtanna 2008 agus 2010 le haghaidh 2019. Tugtar sonraí gach údaráis inniúil thíos.

Feidhmíonn Bord Náisiúnta na hÉireann um Chreidiúnú (INAB), mar an tÚdarás Monatóireachta ar Dhea-chleachtas Saotharlainne, mar an t-údarás náisiúnta inniúil chun críocha Airteagail 8(2) agus (3) de Rialachán na nGlantach amháin. Níor tugadh faoi aon ghníomhaíochtaí forfheidhmithe in 2019 toisc nár thug aon saoráidí faoin Dea-chleachtas Saotharlainne i gclár monatóireachta INAB faoi obair faoi Rialachán na nGlantach. Cuireadh oiliúint ar chigirí INAB trí chlár oiliúna Dea-chleachtas Saotharlainne na hEagraíochta um Chomhar agus Forbairt Eacnamaíochta i rith 2019. Ghlac INAB páirt freisin i Meitheal bhliantúil na hEagraíochta um Chomhar agus Forbairt Eacnamaíochta agus Choimisiún an Aontais Eorpaigh ar Dhea-chleachtas Saotharlainne. Anuas air sin, bhí INAB páirteach i leasú na reachtaíochta náisiúnta maidir le Dea-chleachtas Saotharlainne.

Bord Ospidéal Beaumont

Is é Bord Ospidéal Beaumont an comhlacht ceaptha atá freagrach as faisnéis a fháil a bhaineann le freagairt sláinte éigeandála [Airteagal 9(3) de Rialachán na nGlantach agus Airteagal 45 de Rialachán CLP] agus ainmníodh é mar an Lárionad Náisiúnta Faisnéise um Nimheanna chun an fheidhm sin a chomhlíonadh.

In 2019, phróiseáil an Lárionad 4,581 aighneacht táirge; méadú 85% ab ea sin ar 2018. D'fhreagair an Lárionad 2,937 fiosrúchán éigeandála freisin a bhain le daoine a measadh a thóg nimh nó eachtraí nochta a bhain le táirgí ceimiceacha tí, 1,208 fiosrúchán faoi tháirgí glantach ina measc. Ba iad na táirgí glantach ba mhó a cuireadh in iúl táirgí glantacháin fabraice (saicíní nó capsúil glantaigh leachtaigh go háirithe), táirgí miasniteora, glantóirí ilfheidhmeacha, tuar, leacht níocháin agus glantóirí nó úraitheoirí leithris.

Ar leibhéal na hEorpa, chuir an Lárionad le comhairliúchán ECHA ar larscríbhinn VIII le CLP, go sonrach ar bhunachar sonraí inchuadaithe d'Fhógraí do Lárionaid um Nimheanna, agus ghlac beirt chomhaltaí foirne páirt sa Cheardlann ar Chomhlachtaí Ceaptha agus Cleachtais Oibre na Lárionad um Nimheanna agus Úsáid an Bhunachair Sonraí d'Fhógraí do Lárionaid um Nimheanna a réachtáladh i mí na Nollag. Chuir an Lárionad go leor tuairimí scríofa ar fáil freisin, tríd an Údarás, ar cheisteanna ábhartha a pléadh ag Coiste REACH agus CARACAL araon.

Ar an leibhéal náisiúnta, bíonn teagmháil agus comhoibriú rialta ar bun idir an tÚdarás agus an Lárionad. Choinnigh an tÚdarás an Lárionad ar an eolas faoi phlé ábhartha ag meithleacha CARACAL agus Eorpacha agus thug sé deiseanna don Lárionad tuairimíú a chur in iúl ar cheisteanna leasa. Chomhoibrigh an Lárionad le deasc chabhrach ceimiceán an Údaráis i gcás ceisteanna ábhartha agus chuir an tÚdarás tacaíocht ar fáil don Lárionad maidir le léirmhíniú CLP. Ghlac stiúrthóir cliniciúil an Lárionaid páirt i gcrúinniú an Ghrúpa Idir-rannaigh ar Cheimiceán.

I rith 2019, d'oibrigh seisear oifigeach lárionaid um nimheanna (4.5 coibhéis lánaimseartha) sa Lárionad Náisiúnta Faisnéise um Nimheanna agus bhí baint acu le faisnéis a chur ar fáil chun freastal ar éileamh leighis i gcás éigeandála. Phróiseáil oifigeach riaracháin amháin agus oifigeach faisnéise nimheanna amháin na fógraí a éilítear faoi Airteagal 45 de CLP ó chuideachtaí a bhí ag cur meascán ar an margadh agus phléigh siad le ceisteanna ón tionscal. Chabhraigh bainisteoir an Lárionaid leis na ceisteanna sin freisin dá mba ghá.

Chaith oifigeach riaracháin amháin de chuid an Lárionaid 80% ar a laghad dá gcuid ama ar ghníomhaíochtaí a bhain leis an Acht Ceimiceán, ag freagairt ceisteanna ón tionscal agus ag glacadh le fógraí táirgí a éilítear faoi Airteagal 45 de CLP, a chuaigh chun dochair na gcúraimí riaracháin eile. Anuas air sin, chaith oifigeach faisnéise nimheanna amháin thart ar 50% dá gcuid ama ar chúraimí a bhain le hlarscríbhinn VII den CLP a chur i bhfeidhm. Bhí an t-am iomlán a chaith foireann an Lárionaid ar na gníomhaíochtaí sin in 2019 comhionann le beirt chomhaltaí foirne lánaimseartha ar a laghad.

Ní oibríonn foireann an Lárionaid le gníomhaíochtaí a bhaineann leis an Acht Ceimiceán amháin agus caithfear tús áite a thabhairt do bhainistiú agus d'oibriú na seirbhíse faisnéise gutháin le haghaidh nimheanna. Dá bhrí sin, measann an Lárionad go mbeidh moill ar cheisteanna ón tionscal a fhreagairt i rith 2020.

Cé gur tháinig méadú suntasach ar an ualach oibre a bhaineann le CLP in 2019, níor leithdháileadh aon acmhainní breise ar an Lárionad. Phléigh an t-oifigeach riaracháin le líon mór fiosrúcháin ón tionscal agus don tionscal in 2019. Anuas air sin, chaith oifigeach faisnéise nimheanna, an bainisteoir agus an stiúrthóir cliniciúil cuid mhór dá gcuid ama ar ghníomhaíochtaí a bhaineann leis an Acht Ceimiceán. Dá bharr sin, cuireadh moill ar dhualgais eile nó cuireadh ar athlá iad (mar shampla, cuirtear an tuarascáil bhliantúil i dtoll a chéile i mí an Mheithimh go hiondúil ach cuireadh siar go mí na Nollag í, níorbh fhéidir deiseanna taighde agus oideachais a thapú, cuireadh tionscadail feasachta agus seirbhísí for-rochtana siar). Tá plean gnó a cuireadh faoi bhráid Fheidhmeannacht na Seirbhíse Sláinte chun acmhainní a mhéadú le faomhadh fós.

Níl dóthain acmhainní foirne ag an Lárionad chun gníomhaíochtaí ardaithe feasachta a eagrú ná páirt a ghlacadh iontu sula dtiocfaidh larscríbhinn VIII i bhfeidhm i mí Eanáir 2021. De réir mar a bhíonn sé ar fáil, cuirfear faisnéis nuashonraithe ar an nós imeachta d'fhógraí ar shuíomh an Lárionaid, www.poisons.ie, agus ar a leathanach Facebook.

Fáiltíonn an Lárionad roimh sheoladh an bhunachair sonraí inchuadaithe d'Fhógraí do Lárionaid um Nimheanna le ECHA agus tá sé ag ullmhú don phróiseas ionductaithe. Ach is ábhar imní é go bhfuil an tionscal in ann táirgí a fhógairt tríd an tairseach d'Fhógraí do Lárionaid um Nimheanna cé nach bhfuil rochtain ag an Lárionad Náisiúnta Faisnéise um Nimheanna ar an mbunachar sonraí inchuadaithe fós.

An Roinn Talmhaíochta, Bia agus Mara

Bhí an Roinn Talmhaíochta, Bia agus Mara gníomhach arís ar choistí agus meithleacha faoi stiúir náisiúnta, an Choimisiúin agus ECHA in 2019.

Ar an leibhéal náisiúnta, d'fhreagair an Roinn ceisteanna ar REACH agus CLP a tharchuir deasc chabhrach ceimiceán an Údaráis chuici. D'fhreastail an Roinn freisin ar chruinniú amháin de chuid an Ghrúpa Idir-rannaigh/Gníomhaireachta ar Cheimiceán agus bhí sí ag plé le húdaráis náisiúnta de réir mar ba ghá.

Ar leibhéal an Aontais Eorpaigh faoi REACH, d'fhreastail an Roinn ar thrí chruinniú de chuid Fóram Fo-ghrúpa Rialachán na dTáirgí Bithicéideacha agus ar imeacht amháin a chomhordaigh an Fóram faoi oiliúint don oiliúinóir. Bhí ionadaí ag an Roinn freisin ar mheitheal Fóram REF-8 le haghaidh ceimiceán a dhíoltar ar líne. Chuir an Roinn an chéim pleanála i gcrích le haghaidh REF-8 in 2019 chun páirt a ghlacadh sa tionscadal in 2020.

D'fhreastail an Roinn ar chruinniú amháin de chuid na Meithle um Shuaiteoirí Inchríneacha. Bhí ionadaí ag an Roinn ar an Sainghrúpa maidir le Seasmhacht, Bithcharnadh agus Tocsaineacht, ach níor fhreastail sí ar aon chruinnithe i rith 2019.

Faoi CLP, d'fhreastail an Roinn ar cheithre chruinniú de chuid an Choiste um Measúnú Riosca agus ar cheardlann ECHA amháin maidir le hábharthacht dhaonna agus modhanna gníomhartha a bhaineann le carcanaigineacht. Chuir rapóirtéir Choiste na hÉireann um Measúnú Riosca ceithre cháipéis tuairimíochta faoi bhráid ECHA agus i láthair don Choiste um Measúnú Riosca (pidéfluimeatafean, pioraifeanón, beansóait emaimectine agus tréineiceapac-eitil [ISO]). Rinneadh meastóireacht ar shubstaintí eile a raibh spéis ag an Roinn iontu, le plé agus tuairimíocht i rith na ndíospóireachtaí iomlánacha ó chomhalta na Roinne ar an gCoiste um Measúnú Riosca. Ní chuir an Roinn aon chomhaid faoi Aicmiú agus Lipéadú Comhchuibhithe faoi bhráid na gcruinnithe sin in 2019 dá n-athbhreithniú.

D'fhreastail an Roinn ar dhá chruinniú de chuid Mheitheal ECHA (Comhshaoil) agus cruinniú WebEx. D'fhreastail an Roinn ar chúig chruinniú de chuid an ghrúpa comhordúcháin. Faoi Rialachán Rotterdam, d'fhreastail an Roinn ar chruinniú na nÚdarás Náisiúnta Ainmnithe i mí Aibreáin agus thug tuairimí i gcruinniú mhí Dheireadh Fómhair.

Ghlac an Roinn páirt i dtionscadal Fhóram BEF-1 ar earraí cóireáilte, agus cuireadh ocht gceistneoir táirgí i gcrích i rith na céime oibríochta. Tá an tuairisciú le déanamh in 2020.

Gníomhaíochtaí a bhain le forfheidhmiú

REACH: Tugadh faoi fhorfheidhmiú a bhaineann le clárú substaintí faoi REACH de réir na reachtaíochta earnála sonraí. Bhí seiceáil ar chomhlíon Bileoga Sonraí Sábháilteachta REACH mar chuid d'fhógairt, údarú nó clárú táirgí lotnaidicíd leis an Roinn.

CLP: Sheiceáil an Roinn ceanglais lipéadaithe agus rangaithe na dtáirgí lotnaidicíd i rith an phróisis fógartha, údaraithe nó cláraithe. Anuas air sin, bhí seiceáil ar chomhlíonadh na lipéad ar tháirgí lotnaidicíd mar chuid de na cigireachtaí.

Rotterdam: Níor tugadh faoi aon ghníomhaíochtaí breise forfheidhmithe faoi Rialachán Rotterdam.

I measc na n-áitreabh ar tugadh cuairt orthu le haghaidh REACH agus CLP bhí dáileoirí mórdhíola agus miondhíola, údarais áitiúla, naíolanna agus stórais Fheidhmeannacht na Seirbhíse Sláinte agus clubanna spóirt.

Thug an Roinn faoi fhógraí forfheidhmithe a eisiúint agus táirgí lotnaidicíd neamh-chomhlíontacha a bhaint den mhargadh faoin reachtaíocht lotnaidicíd agus ní faoin Acht Ceimiceán. Tá rochtain ag beirt chigirí de chuid na Roinne ar an tairseach Interact.

I gclár cigireachta 2019 ar dháileoirí lotnaidicíd agus úsáideoirí nach feirmeoirí iad, thug seachtar oifigeach faoi 118 cigireacht. Bhí formhór na gcásanna neamh-chomhlíontacha a aimsíodh sách beag, agus bhain siad le táirgí as dáta agus athchláraithe. Áiríodh leis na gníomhartha a rinneadh a ordú go ndéanfaí táirge a ath-onnmhairiú, a úsáid ar fad nó a dhiúscairt ar bhealach eile de réir an dlí.

Déanann Rannóg Rialuithe Comhtháite na Roinne cigireacht ar thart ar 1,400 feirm gach bliain do Scéim na hÍocaíochta Bunúsaí (an Scéim Íocaíochta Aonair roimhe seo), chun a chinneadh an gcomhlíontar na rialacháin maidir le lotnaidicíd, mar chuid de chlár cigireachta Scéim na hÍocaíochta Bunúsaí san Aontas Eorpach. Próiseáladh tuarascálacha cigireachta le haghaidh 2018 in 2019. Níor gearradh aon phionós airgeadais ar fhorhóir mór na bhfeirmeoirí a ndearnadh cigireacht orthu (thart ar 89%). Gearradh pionós airgeadais 1%, 3% agus 5% dá n-íocaíocht faoi Scéim na hÍocaíochta Bunúsaí ar 4.4%, 1.4% agus 0.8% faoi seach díobh siúd a ndearnadh cigireacht orthu.

Tugadh faoi chlár rialuithe ar chomhdhéanamh táirgí cosanta plandaí: rinneadh anailís ar 47 sampla foirmlithe, a raibh 72 comhábhar gníomhach ag baint leo. Níor sainaithníodh go raibh aon sampla lasmuigh de lamháltais Eagraíocht Bhia agus Talmhaíochta na Náisiún Aontaithe.

Cuireadh Oibríocht Silver Axe IV i gcrích. Díríodh é ar tháirgí cosanta plandaí góchumtha faoin reachtaíocht lotnaidicíd. Níor sainaithníodh aon chás.

In 2020, nuashonrófar an meabhrán tuisceana idir an Roinn, an tÚdarás agus Rannóg Custam na gCoimisinéirí Ioncaim maidir le Rialachán Rotterdam.

Bhí thart ar 4.5 coibhéis lánaimseartha ag plé le hobair a bhain leis an Acht Ceimiceán (agus an reachtaíocht AE lena mbaineann) sa Roinn. Áiríodh tocsaineolaithe, ceimiceoirí agus eolaithe talmhaíochta i measc na saineolaithe. Bhí an leibhéal céanna acmhainní ar fáil sa Roinn don obair sin in 2019 agus a bhí in 2018.

Rannóg Custam na gCoimisinéirí Loncaim

Is iad na Coimisinéirí Loncaim an t-údarás náisiúnta ainmnithe faoi Airteagal 17 de Rialachán Rotterdam. Tá Rannóg Custam na gCoimisinéirí Loncaim freagrach as rialú allmhairiú agus onnmhairiú na gceimiceán guaiseach a liostaítear sa Rialachán sin. Chuige sin, bunaíodh próifíl ar an gcóras imréitigh custam don phróiseáil iontrála uathobrithe de chuid na gCoimisinéirí Loncaim. Leagadh amach an córas próiseála iontrála uathobrithe chun aird na foirne Custam a tharraingt ar dhearbhuíthe onnmhairithe áirithe. Má éilítear uimhir thagartha shainitheantais faoi fhorálacha Rialachán Rotterdam, tá an nós imeachta seo a leanas i bhfeidhm:

- Caithfidh an t-onnmhaireoir an uimhir thagartha shainitheantais a chur ar an dearbhú custaim (SAD).
- Bailíocheaíonn na hoifigigh custam an uimhir thagartha shainitheantais ar bhunachar sonraí an Aontais Eorpaigh don Chóras TF do Thoilíú Feasach Roimh Ré.
- Mura bhfuil uimhir thagartha shainitheantais ann nó má tá aon cheist ann maidir leis an uimhir sin, an ceanglas go mbeadh uimhir thagartha shainitheantais ann nó onnmhairiú ceimiceán áirithe, téann an fhoireann Custam i dteagmháil leis an Údarás Náisiúnta Ainmnithe cuí chun soiléiriú a fháil ar stádas an cheimiceán atá i gceist.

Tá sé de dhualgas ar onnmhaireoirí na ceimiceán atá le honnmhairiú a dhearbhuí i gceart tríd an Y-Chód cuí a chur i mBosca 44 ar an dearbhú onnmhairithe (SAD). Mura gcuirtear an Y-Chód ábhartha i mBosca 44, ní féidir leanúint ar aghaidh leis an onnmhairiú. Níl aon fhoráil i Rialachán Rotterdam féin d'aon toirmeasc nó srianadh ar allmhairiú ceimiceán. Chuir na Coimisinéirí Loncaim (trína Choiste Comhairleach Custam) an lucht gnó ar an eolas faoin dearbhú onnmhairithe agus faoi na ceanglais maidir le huimhir thagartha shainitheantais d'onnmhairiú ceimiceán a chuimsítear i Rialachán Rotterdam. Is féidir leis an bpobal teacht ar an lámhleabhar foirne Custam trí shuíomh gréasáin na gCoimisinéirí Loncaim.

Tá faisnéis ghinearálta ar shuíomh na gCoimisinéirí Loncaim freisin faoi earraí a bhfuil toirmeasc nó srian orthu agus áirítear leis sin faisnéis faoi cheimiceán chontúirteacha a onnmhairiú faoi Rialachán Rotterdam: <https://www.revenue.ie/ga/customs-traders-and-agents/prohibitions-and-restrictions/index.aspx>.

Áiríodh leis na gníomhaíochtaí forfheidhmithe ó thaobh an Chustaim de próifíl leictreonach ar cheimiceán ghuaiseacha áirithe ar an gcóras próiseála iontrála uathobrithe agus an fhoireann Custam ag bailíocheatú uimhreacha tagartha sainitheantais tráth an onnmhairithe nuair ab ábhartha. Eisíodh lámhleabhar faisnéise don fhoireann Custam ar fad agus tugtar breac-chuntas ann ar na nósanna imeachta atá le húsáid nuair atá ceimiceán a shonraítear i Rialachán Rotterdam á n-onnmhairiú.

Chomhoibhriú Rannóg Custam na gCoimisinéirí Loncaim le Rannóg Lotnaidicídí na Roinne ar Oibriocht Silver Axe IV, inar díriodh ar tháirgí cosanta plandaí góchumtha faoin reachtaíocht lotnaidicídí. Níor sainithníodh aon chás.

Ghlac na Coimisinéirí Loncaim páirt i gcruinniú an Ghrúpa Idir-rannaigh ar Cheimiceáin faoin Roinn Gnó, Fiontar agus Nuálaíochta agus an Fóram Náisiúnta ar Fhaireachas Margaidh a raibh d'aidhm leis cosc a chur ar tháirgí díobhálacha ag teacht isteach ar mhargadh na hÉireann.

Síníodh meabhrán tuisceana i mí Iúil 2010 idir na Coimisinéirí Loncaim, an tÚdarás agus an Roinn. Leagtar amach ann na ról agus na freagrachtaí faoi seach maidir le cur i bhfeidhm Rialachán Rotterdam. Tá idirbheartaíocht ar bun ag na páirtithe ar mheabhrán tuisceana nuashonraithe agus beidh sé le síniú in 2020.

An Ghníomhaireacht um Chaomhnú Comhshaoil

Rinne an Ghníomhaireacht um Chaomhnú Comhshaoil ionchur ar an athbhreithniú ar chomhairle Fhóram ECHA ar an measúnú infhorfheidhmitheachta maidir le srianta molta REACH ar mhicreaphlaistigh agus octamethylcyclotetrasiloxane (D4), decamethylcyclopentasiloxane (D5) agus dodecamethylcyclohexasiloxane (D6). Thug an Ghníomhaireacht tuairimí ar an dréacht-reachtaíocht a leasódh an tAcht Ceimiceán le haghaidh achtachán na gceanglas a leagtar amach i Rialachán (AE) Uimh. 259/2012 maidir le Rialachán na nGlantach.

Níor thug an Ghníomhaireacht faoi aon gníomhaíochtaí faireachais comhlíonta maidir le Rialachán REACH ná Rialachán na nGlantach i rith 2019. Tá an Ghníomhaireacht ag imscrúdú neamhchomhlíonadh féideartha tuairiscithe faoi láthair maidir le hionchorprú comhpháirte ina bhfuil leibhéil mearcair níos airde ná mar a cheadaítear i stáisiún chumhachta áirithe a cuireadh ar an margadh (srian faoi Iontráil #18a d'Iarscríbhinn XVII).

Cé go meastar go gcuirfear na himscrúduithe i gcrích go luath in 2020, tugann an fhaisnéis a cuireadh isteach go dtí seo le fios nár cuireadh na córais neamh-chomhlíontacha ar an margadh sa stát seo.

Ghlac pearsanra na Gníomhaireachta páirt i gcruinniú amháin de chuid an Ghrúpa Idir-rannaigh ar Cheimiceáin, ar chruinniú amháin de chuid an Údaráis, agus ar chruinniú amháin de chuid an Fhóiraim Náisiúnta ar Fhaireachas Margaidh.

Tá meabhrán tuisceana idir an tÚdarás agus an Gníomhaireacht faoi láthair maidir le gníomhaíochtaí a bhaineann le Rialachán REACH agus Rialachán na nGlantach. Tá meabhrán tuisceana idir an Gníomhaireacht agus Feidhmeannacht na Seirbhíse Sláinte maidir le comhoibriú i réimsí a chuireann cosaint shláinte an duine agus an chomhshaoil chun cinn.

Maidir leis an Deais Tairsí d'Údaráis Náisiúnta Forfheidhmithe, ní dhearnadh aon tograí chun clárú leis an uirlis sin agus í a úsáid i rith 2019. Déanfar athbhreithniú tréimhsiúil ar an úsáid a bhaineann an Gníomhaireacht as an uirlis sin chun cabhrú le gníomhaíochtaí forfheidhmithe ábhartha.

Maoiníonn Clár Taighde na Gníomhaireachta le haghaidh 2014–2020 tionscadail áirithe atá ceaptha faisnéis a chur ar fáil ar nochtadh an phobail agus an chomhshaoil do raon substaintí guaiseacha, truailléáin orgánacha mharthanacha agus substaintí a bhfuil an-ímní fúthu ina measc. I measc na dtionscadal sin tá:

- *Tagairt tionscadail na Gníomhaireachta: 2015-HW-MS-3:* Cuireadh tús leis an tionscadal seo i mí na Bealtaine 2016 agus tá sé le cur i gcrích i lár 2020. Baineann sé le himscrúdú ar fhoinsí féideartha agus cinniúint chomhshaoil sprioc-thaláití. Tá tuilleadh faisnéise le fáil ar <https://sites.google.com/site/phthalatesireland/>.
- *Tagairt tionscadail na Gníomhaireachta: 2015-HW-MS-4:* Is é príomhchuspóir an tionscadail seo soiléiriú a thabhairt ar rannchuidiú coibhneasta cosán difriúil nochta (aer, aiste bia agus uisce) do thruailléáin orgánacha mharthanacha ar nós lasairmhoillitheach bróimínithe, sulfónáit sárfhluarochtáin agus comhdhúile sárfhluarailcile eile. Cuireadh tús leis an tionscadal i mí na Bealtaine 2016 agus tá sé le cur i gcrích faoi lár 2020. Tá tuilleadh faisnéise le fáil ar www.nuigalway.ie/elevate/.

Maidir le REACH, ba é príomhaidhm Fhoireann Trasoifige Ceimiceán na Gníomhaireachta arís a chinntiú go ndearnadh idirghabháil thráthúil i mbagairtí comhshaoil féideartha nó a bhí ag teacht chun cinn mar gheall ar shubstaintí áirithe, suaiteoirí inchríneacha ina measc.

Caitheadh thar ar 0.12 coibhéis lánaimseartha ar acmhainní díreacha na Gníomhaireachtaí in éindí chun críche Rialacháin REACH agus na nGlantach faoi seach i rith 2019 (sách seasmhach i gcomparáid le 2018). Bhí baint ag comhalta foirne amháin de chuid na Gníomhaireachta (céimí eolaíochta tríú leibhéal ag a bhfuil taithí sa tionscal) le gníomhaíochtaí faoi Rialachán REACH agus na nGlantach go páirtaimseartha. Chomh maith leis sin, bhí acmhainní teicniúla eile na Gníomhaireachta (ceimiceoirí, bitheolaithe agus innealtóirí timpeallachta) ar fáil chun ionchur a thabhairt do ghníomhaíochtaí ábhartha nuair ba ghá. Ní dheastar go dtiocfaidh mórán d'athrú ar an leibhéal acmhainní foirne atá ar fáil do ghníomhaíochtaí REACH agus na nGlantach le haghaidh 2020 maidir le luach 2019. Bhí caiteachas €0 (gan costais dhíreacha saothair na Gníomhaireachta san áireamh) ar ghníomhaíochtaí a bhain go sonrach le REACH (caitheadh thart ar €15,000 in 2018). Leantar i mbun monatóireacht ghéar ar nádúr agus fairsinge na margaí trádála agus an leibhéal ailínithe rialála amach anseo de bharr tharraingt siar na Ríochta Aontaithe ón Aontas Eorpach ag féachaint le himpleachtaí féideartha maidir le riachtanais acmhainní bhreise a shainaithint.

Nótaí



Nótaí



Nótaí



Ár bhFís:

Saolta agus fiontair shláintiúla, shábháilte agus tháirgiúla



AN tÚDARÁS SLÁINTE
AGUS SÁBHÁILTEACHTA

An tÚdarás Sláinte agus Sábháilteachta

Guthán: 1890 289 389

Glaonna idirnáisiúnta

00353 1 614 7000

www.hsa.ie